

飲方誇百榼空造物閔憐君會否放教折臂老
新豐

晨雨

過雲生谷暗旣雨却窗明低燕爭泥語浮魚逆
水行山川增秀色艸木有奇聲處處青秧滿長
樂太平

戲作絕句以唐人句終之

雨細穿梅塢風和上柳橋山居無曆日今日是

何朝

又

靜對煎茶竈閑疏洗藥泉回頭問童子今夕是
何年

述懷

情懷猶是昔年人豈料侵尋八十身燈下看書
方覺老花前闕酒始知貧玉非鼠朴何勞辨魚
與熊躡各自珍萬事回頭已陳迹爲君一笑落

紗巾

閑中自詠

鶴羨清濯鷗羨閑衡門正在水雲間無求尚恨
時賒酒有癖應緣酷愛山細繞坡頭行犂角別
分泉脉聽淙潺三更不睡看江月恐有高人夜
叩關

晨興

小雨過郊墟晨興一事無殘留重結藥新蕪續
生攤書細猶能讀行遲漸要扶蔬畦恐蕪沒且
復課僮奴

自詒

愈老愈知生有涯此時一念不容差身如病鶴
長停料心似山僧已棄家高枕時時聞解籜卷
簾片片數飛花飯餘解帶摩便腹自取風爐煮
晚茶

又

行年耄及臥蝸廬山水登臨亦已疎無可奈何
猶食粟未能免俗學澆蔬蓬門時接漁樵話塵
几聊存種樹書強欲入城還自笑世間那有鶴
乘車

西村

亂山深處小桃源往歲求漿憶叩門高柳簇橋
初轉馬數家臨水自成村茂林風送幽禽語壤
壁苔侵醉墨痕一首清詩記今夕細雲新月耿

黃昏

漁父

楚江茫茫新雨霽殘雲蹙作魚鱗細老翁短楫
去若飛我欲從之已天際從之不可況笑語醉
眼知渠輕一世直釣去餌五十年此意寧爲得
魚計

放歌行

少年不知老境惡意謂長如少年樂朝歌夜舞

狂不休逢人欲覓長生藥三二十年底難過屈
指朋儕餘幾箇就令未死身日衰朱顏已去誰
能那人間萬事如奕棊我亦曾經少壯時兒曹
紛紛不須按歲月推遷渠自知

苦貧

老作清時版藉民深耕迨及故山春熟思豈是
天貧我妄計還憂鬼笑人但使甑中餘麥飯何
妨澗底采荆薪此窮正坐清狂爾莫向瞿曇問

宿因

晨起至參倚齋示子聿

似仙猶火食比古未巢居老子麤全節小兒能
著書下簾畱乳燕投飯出潛魚幸好隆中客無
爲起艸廬

夏夜對月

薄雲歸欲盡殘雨久猶滴月入疎林間庭戶粲
珠璧梅天苦蒸鬱爽氣始此夕豈無一舴艋放

浪江天碧散髮黃鶴樓醉弄白玉笛真當舞魚
龍詎止裂金石

夏夜

酒力初消睡未厭臥看香縷繞疎簾月高樓鶻
重移樹風勁流螢自入簷長夏迢迢秋尚遠孤
愁冉冉病相兼老人本是山中客掃迹元非畏
楚鉗

五月十日曉寒甚聞布穀鳴有感

弊袴久當脫短褐竟未送

吳中諺語曰未契端
五粽布襖未可送俗

謂典質
日送

老怯五更寒重衾擁殘夢群蝨方得意

飽血藏衣縫竹簟何時陳紈扇殆無用長夏疊
疊來歲月疾飛鞚妄懷畎畝憂太息欲誰控

老歎

人生易衰老萬事海濤翻但恨芳尊迨寧悲雪
鬢繁諸儒輕古學遺虜盜中原有語誰能聽毋
矜舌尚存

閉戶

收身歸死鏡湖傍
閉戶悠悠白日長
巷僻斷非容駟路
腸枯那有蹴蔬羊
書生正可蹈東海
世事漫思移太行
睡起不知天
早鼻坐看螢度篆
盤香

長飢

病臥窮閭負聖時
本來吾道合長飢
朝不及夕未妨樂死
何如生行自知早年羞學仗下馬
未路幸似泥中龜
煙波一葉會當逝
吹笛高人有素期

山齋書事

山櫪子結又重開
巢燕雛飛却續回
燕有三生雛乃去者
雨足人畦千頃稻
日長風舞一庭槐
浩歌縱酒愁仍在
作意觀書睡已來
常恨流年不相貸
若爲更著鼻蟬催

贈道流

賣藥會稽市不知今幾年身常雜庸保世果有
神仙醉帽簪花舞漁舟聽雨眠放翁獨識子肯
向俗人傳

避暑松竹間

雙松五丈高萬竹一尺圍上有林蟬鳴下有澗
鳥飛正午不見日我來每忘歸清詩忽陳前永
與世俗違直北有異境煙汀連釣磯何當霜雪
時散髮櫛葉衣

連日大雨門外湖水渺然

趁朝把笏著烏鞞不似歸來買短蓑尚鄙朱公
養魚術肯爲甯戚飯牛歌逢時有命求何益觸
事無心得最多樂處却嫌兒輩覺出門十步卽
煙波

午睡

槐楸陰裏綠窗開天與先生作睡媒流汗未乾
衣上雨大聲已發鼻端雷枕鐫松石分琴薦簟

織風漪取笛材却起岸巾看汲井人間車馬正
氛埃

窮居

阨窮心自樂寂寞道常尊老病頻辭客嬉遊不
出村淖糜均列鼎徒步當華軒不但終吾世猶
堪遺子孫

梅雨

殘雨收還滴低雲去復留護雛憐弱燕喚婦笑

鳴鳩碓米春初滑園蔬摘復抽誰知泥沒蹠也
有客相求

村居書事

困厄難希飽煖家未妨隨事作生涯白鹽赤米
已過足早韭晚菘猶恐奢鴨放競浮新漲水牛
歸正及暝棲鷓年逾七十方辭祿敢望高人挂
齒牙

閑中信筆二首其一追和陳去非韻其一

追和王履道韻

我看浮名如脫髮誓墓收身老巖穴座延窮鬼
心不疑鑪錘橫財渠自別樂哉今爲八十翁神
交園綺商山中烹葵剥棗及時序爛醉黍酒歌

邠風

又

小江之上千峰立潮回艇子爭來集飄風忽起
白浪高急雨橫吹綠蓑溼歲豐斗酒纔百錢茆

芹無人驚醉眠醒來徑入亂雲去異日出看東
封年

題齋壁

鏡水西頭破茅屋紹興初載舊書生門無車馬
終年靜身臥雲山萬事輕三釜咎傷貧藉祿一
塵今幸老爲氓斷蓬不是無飛處莫與飄風抵
死爭

夏日雜題

疎疎窗似秋蛩室
疊疊書如春鵲巢
大耋何妨尚絃誦
小詩時亦雜談嘲

又

耿耿醜石巖當道
矯矯長松龍上天
滿地凌霄花不掃
我來六月聽鳴蟬

又

情懷萬里長征客
身世連牀旦過僧
熟計書空成咄咄
不如任運去騰騰

又

一枝黎峒桄榔杖
二寸羊城螭蝟冠
萬里來爲老人壽
始知天地不勝寬

又

天隨手不去朱黃
辟蠹芸編細細香
今夕短檠須暫設
北窗風雨送微涼

又

身閑欲出無如嬾
酒薄雖傾不敵愁
殘暑從今

無一月剩儲詩想待新秋

又

憔悴衡門一秃翁回頭無事不成空可憐萬里
平戎志盡付蕭蕭暮雨中

又

衰疾沉綿短鬢疎淒涼圯上一編書中原久陷
身垂老付與囊中飽蠹魚

夏雨歎

蝸舍入門楣觸額黃泥壁作龜兆坼雨多潦水
欲上堦臥聽鳧鴨聲拍拍日高糴米奴未回坐
知薄飯未容索仕羞捷徑耕不力自取囊空欲
誰責富貴危機復可畏世間果無第一策雖然
胸中有事在片言可壽天下肌

物外雜題

南墟沽斗酒獨酌復高歌一笑語觀者比君更
事多

又

當年下沔鄂回首幾秋風景物渾如昨千帆落

照中

又

曉入姑蘇市閭門繫短篷老人元不食買餅餉

山童

又

送客停山步尋僧立寺門青鞵慣泥潦却愛而

昏昏

又

粉堞臨江渚朱橋枕市樓長吟策小蹇又度一

年秋

又

飼驢畱野店買藥入山城興盡飄然去無人識

姓名

又

高城今曠野比屋脊朱門道上傳呼過遙遙幾
世孫

又

過市摩雙眼驚嗟閱盛衰朱樓倚霄漢曾見始
成時

過村舍

碓舍臨山路牛欄隔艸煙問今何歲月恐是結
繩前

晝臥初起書事

歲華病息雨侵尋靜看槐楸轉午陰待睡不來
聊小憩煨詩未就且長吟還山久洗天涯恨謝
事新諧物外心忽有故人分祿米呼兒先議贖
雷琴

夜雨有感

斷虹不隔江郊雨

東方虹見則雨止俗語
謂之隔雨今歲獨不爾

一

昏燈夜半時多感生悲那爲酒積衰成瘦錯寃

詩空堦點滴何由止倦枕淒涼只自知平日故人零落盡寄書誰與叙睽離

偶作夜雨詩明日讀而自笑別賦一首

俗情向者未全忘洗以縈簾一縷香得失故應常浩浩是非正可付蒼蒼殘蟬不斷知秋近雙燕歸來伴晝長誰識龜堂新力量東家却笑接輿狂

舍西晚眺示子聿

秋濤常記犯靈胥季子雙髦尚髡如薄飯不爲明日計短檠相對十年餘嗟予久合墮鬼錄憐汝猶能讀父書西望牛頭渺天際永懷吾祖起

家初

牛頭山在小江西北有先太傅讀書堂尚存

自訟

年少寧知道廢興搏風變化羨鯤鵬貪求但欲攀分寸痛定方慙乞斗升靈府已能澄似水俗緣更覺薄于僧挂冠且喜身蕭散二頃寧須退

可憑

讀唐人樂府戲擬息婦怨

一自門前征馬嘶此心常與斷雲西雙飛空羨
雉朝雒獨泣忍聞烏夜啼遼海晝昏塵漠漠杜
陵春到艸萋萋孤愁可爲隣姬說只有臨樽醉
似泥

南堂納涼

環坐列胡牀兒曹共此涼風生桐葉墜露下

花香老幸返初服寤宜歸故鄉已無纓可濯清
嘯對滄浪

又

浴罷閑無事悠然寄一牀水風涼醉頰松月上
虛廊岸久烏紗側熏餘細葛香今宵一美睡何
止傲羲皇

中庭納涼

紅映衡門夕照明翠浮村巷暝煙生搖搖楸線

風初緊颭颭荷盤露欲傾數酌濁醪留客醉一
編疑義與兒評須臾散去人聲寂獨數城頭長
短更

又

散髮江天嬾出遊衡門日落鎖梧楸火雲突兀
方蒸暑銀漢縱橫已報秋熠熠露螢黏徑艸
蓼漏鼓下譙樓追涼明日無奇策聊向林間卜
雨鳩

待旦

東方星磊磊西舍雞喔喔萬慮集五更吾睡無
由著世事如飲酒不獻自無酢開窗起危坐送
月西南落

又

是身如浮煙久聚要當散吾年七十七寒暑凡
幾換夏夜亦自佳何必厭揮汗推枕坐南窗悠
然待清旦

晨興

冬夕宜晚睡夏日息晨興磊落明星高蒼涼朝
日昇正襟坐堂上有几不敢憑陳前聖人書凜
如蹈淵冰平生不苟利豈獨畏友朋長飢君勿
謂人各有不能

又

欲曉不能寐亟起坐北堂齋莊對斷簡左右陳
朱黃湛湛一池墨裊裊半篆香老生不自逸幸
此夏日長奇哉長頭兒好勇不可當安得數年
健與兒講虞唐

晚涼述懷

未學常憂墮吝驕晚知鵬鷄本逍遙屏醫却藥
疾良已破械空囹盜自消父子終身美藜藿交
遊太半是漁樵衡門日落清風起又著藤冠度
野橋

湖塘晚眺

綠樹暗村墟青山繞艸廬奉祠神禹舊馳道暴
秦餘浦色沉煙網蛙聲入雨鉏清秋又如許幽
憤若爲攄

又

病起閑無事時來古渡頭煙中賣魚市月下采
蓮舟帆鼓娥江晚菱歌姥廟秋長吟無傑句聊
以散吾愁

小集

身柏遮山路紅蕖滿野塘病蘇身漸健秋近夜
微涼杯酌隨宜具漁歌盡意長兒曹娛老子團
坐說豐穰

出門與鄰人笑談久之戲作

少時已歎少驩娛衰病經旬一笑無今日出門
逢父老欣然隨衆強盧胡

又

莫靄昏昏半掩扉偶逢鄰叟荷鉏歸且令閑說

鄉村事莫問渠言是與非

又

菽水欣欣每盡歡仁賢不必襲衣冠出門邂逅
移時語未害龜堂取友端

又

屋角時聞黃犢鳴相逢但可說春耕一言誤及
城中事議罰應須便酌觥

魚池將涸車水注之

清波溜溜入新渠鄰曲來觀樂有餘試手便同
三日雨滿陂已活十千魚喜如雷動風行際快
若天開地闢初萬物但令俱有託吾曹安取愛
吾廬

一齒動搖已久然餘皆堅甚戲作

病齒元知不更全漂浮杌隉已三年一朝正使
終辭去大嚼猶能盡彘肩

晚至新塘

青鞵隨意出柴荆聊向南塘曳杖行歸鳥已從
煙際沒斷虹猶在柳梢明城頭層塔凌空立浦
口孤舟竝岸橫向道有詩渾不信爲君擁鼻作
吳聲

夜泛湖中

水鴨鷓鴣拍拍飛菰蒲淡處弄煙霏喚回二十
年前夢半醉姑溪棹月歸

立秋後作

宋玉悲秋千載後詩人例有早秋詩老夫自笑
心如石三日秋風漫不知

覽鏡

此頭那可著貂蟬瘦似騎驢孟浩然一事比渠
差省力閉門無句與人傳

早秋南堂夜興

水注橫塘藻荇香候蟲唧唧滿空廊風前落葉
紛可掃天際疎星森有芒夜漏漸長愁少睡秋

衣未製怯新涼
明朝却有欣然處
寫得黃庭又幾行

菱歌

海內知心人漸少
眼前敗意事常多
問君底事渾忘却
月下菱舟一曲歌

聞角

河白如銀天淡青
角聲中有玉關情
早知送老桑麻野
悔失安西萬里行

湖隄

新月纖纖淡欲無
時聞魚躍隔菰蒲
籃輿小放湖隄上
信有人間白玉壺

秋日

將旦溪風急
新秋天宇寬
涼生豎裁褐
爽入縮縫冠
拊翼雞頻唱
爭枝雀正譖
一簞吾已足
芋豆亦加餐

龜堂晨起

金言 二十五
培火螭爐起寶熏滴泉熬研聚玄雲屏圍燕几
成山字簾展涼軒作水紋絕口不談浮世事洗
心聊策退居勲耄年猶健非無自一卷丹經受
鄭君

柳橋秋夕

柳疎橋盡見水落路全通衣杵家家月漁舟浦
浦風眼明無俗物步蹇有枯筇野逸誰能那悠
然西復東

道室雜題

早訪丹砂上岫嘯晚提河派泝崑崙陰符後出
君無忽三百奇文要細論

又

聞說湖中有釣舟煙波出沒雜輕鷗一聲清嘯
去已遠我欲從之何處求

又

山中有艸名長生丹砂可死金可成服之刀圭

齒髮換要着東封告太平

又

勘書窗下松明火采藥溪頭榭葉衣只在人間
人不識秋風又見雁南飛

劍南詩集卷第四十六

劔南詩彙目錄

卷第四十七

儒生 秋夜 寺閣 秋暑夜興 漁父

省事 新涼書懷首四 七月十七晚行

湖塘雷雨大作 七月十八夜枕上作

梅市 秋思 小舟湖中夜歸追和孟濬

然夜歸鹿門歌 酒盡 燒香 自述首二

風雨 白露前一日已如淡秋有感首二

國家圖書館, NATIONAL CENTRAL LIBRARY, TAIWAN, R.O.C.

東村晚歸 秋望 郭西 舍北 夜

坐示子聿 柳橋晚眺 秋興首五 嘉泰

辛酉八月四日雨後殊淒冷新雁已至夜

復風雨不止是歲八月一日白露首二 近

村民舍小飲 閒適首二 夜歸首二 自詠

老歎 秋社 晨起 中夜睡覺兩目

每有光如初日歷歷照物晁文元公自謂

養生之驗予則偶然耳感而有作 錢道

人不飲酒食肉囊中不畜一錢所須飯及

艸屨二物皆臨時乞錢買之非此雖強與

不取也首二 枕上 山園書觸目 苦貧

戲作 秋曉書感 秋夜 村舍首二 天

涼時往來湖山間有作 雨夜歎 病足

晝臥夢中譖諄乃誦尚書也既覺口占絕

句首二 新買啼雞 幽棲首二 秋日雜詠

首八 望永阜陵 排悶 秋日晨起 出

遊莫歸戲作 自詒 出蜀日嘗遣僧則

華乞籤于射洪陸使君祠使君以老杜詩

為籤予得遣興詩五首中第二首其言教

戒甚至退休暇日因用韻賦首五 悲歌行

秋夜讀書 對食戲詠 懷咎 偶得

雙鯽首二 秋懷首十 示客 秋晚村舍雜

詠首二 臥病累日羸甚偶復小健戲作首三

劍南詩彙目錄卷四十七終

劍南詩彙卷第四十七



儒生

儒生安義命所遇委之天用可重九鼎窮寧直

一錢雖云髮種種未害腹便便高臥茅簷下羹

藜法不傳

秋夜

老病睡眠少如斯秋夜何長庚未配月織女已

斜河莎徑蟲吟苦柴門葉落多誰知寤寤戚不

作飯牛歌

寺閣

三鬢初得牧牛童
兩扇新成釣舸篷
偶訪野僧過射的
却衝微雨上樵風
登山未減青鞵興
到手俄驚綠酒空
自笑此身猶健在
試憑重閣送飛鴻

秋暑夜興

寂寂空廊絡緯鳴
消搖岸幘近南榮
閑眠簟作波紋冷
新浴衣如蟬翼輕
微雨已收雲盡散
衆星俱隱月徐行
呼童持燭開藤紙
一首清詩取次成

漁父

千錢買一舟
百錢買兩槳
朝看潮水落
暮看潮水長
持魚換鹽酪
縣郭時下上
亦或得濁醪
不復計瓶盎
浩歌忘遠近
醉夢墮莽蒼
玄真不可逢
悠然寄遐想

無逋賦其賽神祠有社錢退傳寄聲情縝密得

周丞相書

晦翁入夢語蟬聯

昨夕夢朱元晦甚款

燈前細

與兒曹說蠹簡猶堪數世傳

又

山川遺迹晉唐餘水竹相望許洛居

朱希貞嘗言山陰富

水竹有洛陽許下氣象

一齒屢搖猶決肉雙眸雖澀尚眈

書郊原夜夜驅耕犢村店時時秣蹇驢客問蒼

為娛老境吾兒未與短檠疎

七月十七晚行湖塘雷雨大作

電火雷車下九關我行莫出郊原間鬚鬢暗樹

類奇鬼突兀黑雲如壤山江潮默應鱗岫溢鐵

鑱自脫梅梁還今夕虛簷瀉懸瀑預知高枕聽

淙潺

七月十八夜枕上作

電掣光如晝雷轟意未平亂雲俄卷盡孤月却

徐行露艸蛩相語風枝鵲自驚一涼吾事足美

睡到窗明

梅市

梅市柯山小繫船開篷驚起醉中眠橋橫風柳
荒寒外月墮煙鍾縹渺邊客思況經孤驛路詩
情又入早秋天如今老病知何恨判斷江山六
十年

秋思

利欲驅人萬火牛江湖浪迹一沙鷗日長似歲
閑方覺事大如山醉亦休衣杵相望淡巷月井
桐搖落故園秋欲舒老眼無高處安得元龍百
尺樓

小舟湖中夜歸追和孟浩然夜歸鹿門歌

山光漸淡川氣昏急雨亂打荷葉喧小舟橫掠
湖邊村人家收網半閉門吾廬未見見堤樹舟
人指點孤燈處蒲叢姑惡最可哀衝雨飛鳴背
人去

酒盡

飲酒但飲濕吾聞之老坡渠非惜酒錢無如久
 窮何我窮乃過之空罍倒餘濕日來彌可笑濕
 亦不可得平生忍飢多得飯已有餘父子茅簷
 下清坐談詩書

燒香

寶熏清夜起氤氳寂寂中庭伴月痕小斲海沉
 非弄水旋開山麝取當門蜜房割處春方半花
 露收時日未暝安得故人同晤語一燈相對看

雲屯

自述

寄懷魚鳥臥煙汀結友松筠醉艸亭拜賜龜章
 紆舊紫予蒙恩錫服篋中有守郡時故袍用以拜命養成鵠鬢掃餘
 青遺經在櫝傳家學大字書牆作座銘浪迹江
 湖遂終老此身何啻一浮萍

又

林紅樹入新詩東村寂寂風煙晚酒挂驢肩又
一奇

秋望

快哉一雨洗浮塵却喜郊原霽色勻野火已亡
秦相篆江濤猶託伍胥神登臨頓覺清秋早流
落空悲白髮新東望息陵鬱蔥裏老民猶及見
時巡

游尚能記高
皇建炎巡幸

郭西

鵲下川原黑船行浦淑空橋燈搖水影樓角散
天風野眺飛埃外漁歌冷翠中不須嘲病翼要
是脫樊籠

舍北

支徑秋原上衡門夕照中野煙山半失溪漲浦
橫通鬢禿難藏老衣穿可諱窮浩歌終自得心
事寄冥鴻

夜坐示子聿

久客誠當去無心偶小留掃空閑夢想閱盡舊

朋儔學術非時好文章幸自由

蘇黃門贈任孫元老詩有云從

此文章始自由不嫌秋夜永問事有長頭

柳橋晚眺

小浦聞魚躍橫林待鶴歸閑雲不成雨故傍碧

山飛

秋興

秋風吹我夜植杖溪橋側木葉雖未凋慘澹無

顏色

又

功名不垂世富貴但堪傷底事杜陵老時時矜

省郎

又

秋暑勢已窮風雨縱橫至白鷺立清灘與我俱

得意

又

胸中萬卷書一字用不著歸休始太息竟是爲
農樂

又

酌酒桑陰下邠風入醉歌何須縮檢外名教樂
還多

嘉泰辛酉八月四日雨後殊淒冷新雁已
至夜復風雨不止是歲八月一日白露

殘暑方炎忽痛摧無情風雨亦奇哉但嗟不爲
貧人計未動秋砧雁已來

又

仲秋四日雁橫天閉戶垂帷意已便方歎今年
時候早夜深風雨更淒然

近村民舍小飲

秋風吹細雨蕭然濯炎熾老夫疾頓平甘食仍
熟寐春物財幾何搖落已復至咎人喻死生謂
若屈伸臂愚公顧不靈白首沒榮利嗟予幸學

道了此直差易三拜散人號退志獲早遂絃歌
萬二千盡力不能崇瘦驢骨可數渺渺入空翠
霜蟹初把螯絲蓴小添豉平生笑巨君老齧乾
肉糲異味幸滿前萬事付一醉

閑適

飲酒不至狂對客不至疲讀書以自娛不強所
不知一窗袖手坐往往晝漏移初非能養生簡
事頗似之四時俱可喜最好新秋時柴門傍野

水鄰雙閑相期

又

陸子居山陰杜門輒經年有時思出遊兩屨凌
風煙長鑱斲靈苗大瓢挹飛泉眼長不及寸能
著萬里天不飲顏常丹不食腹果然金丹亦棄
置我是地行仙

夜歸

今年寒到江鄉早未及中秋見雁飛八十老翁

角 十一
頽似鐵三更風雨采菱歸

又

芙蓉菱陂夜半時小舟更著疾風吹青熒一炬
楓林外鬼火漁燈兩不知

自詠

宦遊疇管徧天涯萬里東歸歲月賒古道泥塗
居士屨荒畦煙雨故侯瓜園公谿父逢皆友野
寺山郵到卽家病息漸輕重九近又將烏帽插

黃花

老歎

一齒危將墮雙瞳久已昏謀生賴蔬圃養拙閉
柴門多病從來慣虛名不足論自憐餘一念猶
欲濟元元

秋社

雨餘殘日照庭槐社鼓鼕鼕賽廟回又見神盤
分肉至不堪沙雁帶寒來書因忌作閑終日酒

爲治龔醉一杯記取鏡湖無限景蘋花零落蓼
花開

晨起

雞已參差唱窗纔曉
曙高林風不止叢竹露
如傾夢爲多難記詩
綠嬾少成晨興了無
事散髮遶堦行

中夜睡覺兩目每有光如初日歷歷照物
晁文元公自謂養生之驗予則偶然耳感

而有作

人情所願欲莫若貴與富是皆有命焉非力可
成就予嘗未有聞無與發其覆趨起強干祿時
命適大謬方行地當道未至葵已噉適燕乃南
轅之楚顧北首風波起平地兩耳厭嘲詬隴蜀
萬里餘數遍道傍埃六十歸爲郎數月艸章奏
夫豈或使之擊去惟恐後嗟彼亦何心喜愠出
邂逅還山惟自訟衡茅屏幽陋棄除得少健上

下歷巖岫得飽豈復擇百口同飯糗寒龜久猶
息野鶴老益瘦又如已放馬寧當夢華廐造物
念途窮畀以樗櫟壽雖無熊鳥術坐空陰陽寇
兩眚若有光夜視如正晝物生稟定數此語聞
自舊置水鳥覆翼棄野於菟穀偶然當後死鬼
錄自遺漏山陂粟屢收池水麻可漚鄰父相歡
娛席地醉醇酎

錢道人不飲酒食肉囊中不畜一錢所須
飯及艸屨二物皆臨時乞錢買之非此雖
強與不取也

萬里飄如不繫船空囊短褐過年年食時無飯
芒屨破只向街頭旋乞錢

又

誤辱君王賜鏡湖身隨鷗鷺寄菰蒲行年八十
猶強健欲伴先生去得無

枕上

呼兒初夜上門關怕冷貪眠自笑孱月色橫分
窗一半秋聲正在樹中間算年不復樽前樂浮
世無如枕上閑鍊句未安姑棄置明朝追記尙
班班

山園書觸目

山近雲生易人稀鳥下頻瘦篁穿石竅古蔓絡
松身熟摘巖邊果乾收澗底薪經過不相識喚
作避秦人

苦貧戲作

五竅作崇不容支蟬腹龜腸旋過時客散難求
門外轍衣穿徒有鬢邊絲兒能解事甘藜藿婢
苦無薪睨屢屢箕踞浩歌君會否書癡終覺勝
錢癡

秋曉書感

天公息我半生勞寄傲江湖亦足豪淡盡月痕
知夜艾飄殘桐葉喜秋高讀書時亦挂牛角對

酒正須持蟹螯縱有故人終自絕安能從汝望
縑袍

秋夜

抱病齒髮非閱世城市換朋儕家纍纍狂者亦
雲散窮居嬾出戶俯仰秋已半疎鐘到倦枕微
火耿幽幔平生疑著處忽若河水泮百年寓逆
旅萬事真既灌紛紛彼方窺袖手不須喚蘿月
忽滿窗悠然付長歎

村舍

篠屋楓林下
山中人以篠覆舍厚密過于茅柴門芡浦旁先鳴
雞臙膊徐上日蒼涼服藥貧寧輟觀書老有常
仍須教童穉世世力耕桑

又

生理嗟彌薄吾居久未完蝶飛窗紙碎龜坼壁
泥乾小雨牛欄溼微霜碓舍寒晚禾蟲獨少鄰

里莫相寬

今年晚禾苦蟲
虹予鄉獨免

天涼時往來湖山間有作

萬壑千巖自古傳青鞵布襪更誰先泛舟菰脆
鱸肥地把酒橙黃橘綠天秦篆舊碑荒艸棘禹
書遺穴慘風煙誰知陸子登臨日已近浮生八
十年

雨夜歎

秋雨何曾住一滴老夫危坐欲三更開元貞觀
事誰問溫洛榮河塵未清豐年猶有餓死慮
屋自愛讀書聲刺經作制豈不美無奈人間痛
哭生

病足晝臥夢中譫諄乃誦尚書也既覺口
占絕句

唐虞已遠三千歲每誦遺書涕泗濟濟濟允官
十二牧我獨不得居其間

又

人能不食十二日

趙岐柳開皆嘗不食十二日不死

惟書安可

一日無唐虞雖遠典謨在病臥蓬窗時囁嚅

新買啼雞

我我赤憤聲甚雄意氣不與其曹同我求長鳴
久未獲一見便覺千群空主人燒神議已決知
我此意遽見從秋衣初縫惜不得急典三百新
青銅憐渠亦復解人意來宿庭樹不待籠狐狸
熟睨那敢犯蕭蕭清露和微風五更引吭震戶
牖橫挺無復須元戎明星已高啼未已雲際騰
上朝陽紅老夫抱病氣已索賴汝豪壯生胸中
明朝春黍得碎粒第一當冊司晨功

幽棲

幽棲少人客積病得衰殘身納分司祿兒須遠
次官新寒換衣典閑日借書觀更歎秋來瘦晨
興覺帽寬

又

自卜幽棲地頻驚歲月移鄉鄰崇禮讓子弟習

書詩喔喔雞鳴樹信信犬吠籬謀生已過足富
貴亦何爲

秋日雜詠

都門初出若登仙弄水穿雲喜欲顛只恐光陰
已無幾不知又過十三年

又

五百年前賀季真再來依舊作閑人一生看盡
佳風月不負湖山不負身

又

菰蒲風起算蕭蕭煙斂林疎見斷橋白蟹蟹魚
初上市輕舟無數去蔡潮

又

葉底珍禽不受呼弄風小蝶點殘蕪舍南舍北
秋光好到處皆成一畫圖

又

紅莧如丹照眼明臥開石竹亂縱橫騷人見處

終然別只說清秋采落英

又

桐葉吹殘柳亦稀
溪頭倚杖立斜暉
誰知老子無窮喜
待得吾兒小艇歸

又

久雨初晴喜欲迷
青鞵踏徧舍東西
忽然來到柳橋下
露溼蓼花紅一溪

又

十里秋風画角哀
夕陽光景亦佳哉
正疑白鷺歸何晚
一片雪從天際來

望永阜陵

龍飛回首尙如新
忽閱人間四十春
聖主已嚴天上駕
孤臣歸作道傍民
傾河尙恨難供淚
衛社何由得致身
獨立秋風吹白髮
感恩肝膽漫輪囷

排悶

悠然不覺歲時遷
楚水楓林繫釣船
貧悴只如行卷日
衰遲忽過挂冠年
閑遊野寺騎驢去
倦擁殘書聽雨眠
賴有一籌差自慰
小兒筆墨口

翩翩

秋日晨起

翻樹鴉知旦橫空
雁戒寒但欣蘇肺渴
未暇議衣單粥鼎湯
初沸香篝火半殘
讀書心漸嬾顧影一長歎

出遊莫歸戲作

終年兀兀復騰騰
眼看朱門幾廢興
造物偶容窮不死
衆人共養老無能
逢山自有閑遊侶
入寺寧無淡話僧
莫道歸來却岑寂
小兒同守短檠燈

自詒

荒圃風煙入荷鉏
孤村巷陌看騎驢
少年曾縱千場醉
老境惟存一束書
作意買山雖已矣
忍

慙乞米獨何歟所欣肺病秋來減白髮蕭蕭可
自梳

予出蜀日嘗遣僧則華乞籤于射洪陸使
君祠使君以老杜詩爲籤予得遣興詩五
首中第二首其言教戒甚至退休暇日因
用韻賦五首

我幼入家塾結髮知苦心稍長謬聞道篤守至
于今淡然朱絲絃三歎有遺音詎敢負所學枉
尺求直尋彼哉孔光輩千載污儒林

又

童子丹元家湛然居靈府世人不少悟役役徒
自苦江湖豈不廣魚乃投數罟是身如璞玉要
經大火聚萬卷讀丹經孰能精去取

又

少壯不自料慷慨志四方謝病還故山始覺白
日長命薄類蟬翼功名安可望狐狸不足問力

不當豺狼惟有臥釣船仰看白鷺行

又

孤雲起江郊萬木酣天風水鳥何所恨終夜號
菰叢我興視中庭北斗挂寒空誰言秋夜長
明星已生東丈夫老憂國百慮蟠胸中

又

我嘗遊青城萬仞窮躋攀巢居上官翁許我分
半山且言牡丹平可卜茅三間報國未能忘承
詔遂東還蹭蹬意何成看雲徒汗顏

悲歌行

有口但可讀離騷有手但可持蟹螯人生墮地
各有命窮達禍福隨所遭嗟予一世蹈謗藪洵
如八月秋江濤尊拳纔奮肋已碎曹射箭盡弓
未弣形尪骨悴吹可倒摧拉未足稱雄豪一身
百憂偶得活殘年幸許歸蓬蒿時時照水輒自
笑霜顱雪領不可薶脫身仕路棄衫笏如病癰

疥逢爬搔見事苦遲已莫悔監戒尙可貽兒曹
勉騎款段藥下澤州縣豈必真徒勞

秋夜讀書

門前客三千帳下兵十萬人生可意事隨手風
雨散不如一編書相伴過昏旦豈惟洗貧病亦
足捍患難老夫垂八十巖電尙爛爛孤燈對細
字堅坐常夜半吾兒幸能繼書亦未殘斷安知
不遭時清廟薦玉瓚不然老空山亦足化里閭
我死斯言存觀者有追歎

對食戲詠

一飽欣逢歲小穰時憑野餉誑枯腸橙黃出白
金壘美菰脆供盤玉片香客送輪囷霜後蠓僧
分磊落社前薑秋來幸是身強健聊爲佳時舉
一觴

懷咎

偶住人間日月長細思方覺少年狂衆中論事

歸多悔醉後題詩醒已忘
鼉作鯨吞吁莫測谷
堙山塹浩難量老來境界全非昨
臥看縈簾一縷香

偶得雙鯽

今朝溪女留鮮鯽
灑掃茅簷旋置樽
養老不須煩祝鯽
從來楚俗慣魚飧

又

酒興森然不可回
重陽未到菊先開
一雙鱖刺

明吾眼催喚厨人斫
鱠來

秋懷十首以竹藥閉淡院琴樽開小軒爲韻

我非王子猷賦性亦愛竹
舍外地十畝不栽凡
艸木長吟雜清嘯觸目皆此族
更招竹林人枕藉糟與麩

又

短裘入重雲長鏡求靈藥
入獲四體具狗杞群

吠惡采實去條枝摘花棄跗萼長嘯忽躡空天台赴幽約

又

惟王居法宮玉帛來四裔一朝啟戎心邊城或晝閉養生能體此皆可閱千歲利欲喜禁人日夜勤自勵

又

飲酒可不病自酌隨淺深處世可無患惟勿欺此心此心實通天一念天所臨子能守吾言可度豺虎林

又

吾道久寂寞不絕如一綫至人隱市塵我輩何由見安得世外士與之共談醺僧話亦或佳聊可過竹院

又

小人方盛時瓦礫視黃金及其大勢去或不遺

一簪郿塢今尙存遺戒豈不淡所以栗里翁惟蓄一素琴

又

世事本何常賀弔更在門棄爲溝中斲亦何羨
犧樽禍福要其終愚智始可言君看驪山墓何若楊王孫

又

今日天微寒處處菊花開永懷杜拾遺抱病起
登臺古路逢僧過溼雲聞雁來我亦秋風客詩成有餘哀

又

天鏡環千峰蒼翠立雲表漁舟破浪來泛泛一
葉小雲門若耶間迨此素秋杪登覽不可遲去若孤鴻矯

又

丈夫素所學致主齊羲軒恨無同志人徒欲起

九原痛哭驚世俗著書成空言歲月去衮衮吾
其死空村

示客

枳縛藩籬荆作門蕭條何以致諸君歸休正得
求吾志老病猶能誦所聞紫蟹迎霜徑盈尺白
魚脫水重兼斤一杯漱灑無辭醉秋稼登場合
策勲

秋晚村舍雜詠

村巷翳桑麻蕭然野老家園丁種冬菜隣女賣
秋茶啄木矜奇服牽牛蔓碧花一樽雖艸艸笑
語且喧譁

又

秋晚年中熟湖鄉未寂寥步頭橫画舫柳外出
朱橋潮壯知多蟬霜遲不損麩家家新釀美隣
里遞相邀

臥病累日羸甚偶復小健戲作

病忽迫旬日衰如增十年難求秦緩藥空負宋
清錢微火秋先跨閑房晝亦眠偶賒書鬼錄遇
酒又陶然

又

伏枕瀕九死下牀如再生幸回蒿里駕猶作越
吟聲拂几嗟塵積開書覺眼明淖糜方自養未
敢憶南烹

又

行年當大耄臥病涉高秋丸藥作奇驗俶裝仍
小留輕漚元泛泛破屋已飈飈尙有江湖興沙
頭問釣舟



國家圖書館
二十九
卷一百一十五

劔南詩彙目錄

卷第四十八

縱筆

四首

村興

賽神

小立

窮老

晚步舍東

述野人語

二首

戲畚野人

二首

建安陳希周官海南爲予致兩拄杖

排悶

九月十二日折菊

表姪江垆種

竹名筠坡來求詩

微雨

秋晚寓歎

六首

秋晚湖上

縱遊歸泊湖橋有作

九

月十八日至山園頗有春意 明日又來

天微陰再賦首二 雨後至近村首二 雨復

作自近村歸 雨寒戲作 衡門晚眺

不寐 示子處 弊廬 予未冠即交諸

名勝今無復在者感歎有作 夜雨 題

嚴州王秀才山水枕屏 小飲示座中

搖落吟 插花 雨過行視舍北菜圃因

望北村久之首二 居三山時方四十餘今

三十六年久已謝事而連歲小稔喜甚有

作 幽居 曉晴肩輿至湖上 戲作野

興首六 道室書事 行飯至潮桑堰東小

市 負日戲作 遊西村 初冬 遣懷

策杖 汲東山下井 園中作首二 園

中 短篷 自適 堂東小室淡丈裛半

之戲作 獨處首二 嘲梅未開 讀史

漁翁首二 寓言首三 夜四鼓睡覺起行簷

間觀新作南籬 客去追記坐閒所言

疇昔 飲牛歌 牧羊歌 生日子聿作

五字詩十首為壽追懷先親泫然有作

園中書觸目 養生 齋中雜興二首 江

上 追憶征西幙中舊事四首 冬夜 冬

日 冬朝 冬暮 風月 落葉 邠風

擁爐不出輒終日自嘲 探梅至東村

劍南詩集目錄 卷四十八終

劍南詩集卷第四十八

縱筆

莫笑畸翁迫耄期從來不許俗人知
繫船慣聽巴東雨畫策曾從渭北師
袖劍客同樓上醉爛柯人看洞中碁
如今更欲滄溟去鯨浪浮天信所之

又

常笑相如賦上林肯為子政鑄黃金
心光自發

誰能障踵息無聲不厭淡搖齒復牢堪決肉枯
顛再茁已勝簪老松澗底雖終棄霜雪元知不
解侵

又

拖得烏藤到處行看山看水眼猶明但期少健
遊潼華豈必長生似老彭一緗青鞵吾事了半
甌綠酒萬緣輕安知不作希夷叟生長兵間老

太平

予生于宣和未遇虜禍
間關東歸又避地數年

又

未說無功爵位叨管人所畏在功高印如斗大
寧常保劔拄頤長祗自勞酒社極知身可隱獵
場猶得氣差豪世間見透渾無事狐貉安能詫
縵袍

村興

折花持博酒種菜賣供家請藥人何壅爭棋客
正譁漁翁足跣蹕牧豎手丫叉短景匆匆晚橫

林又宿鷓

賽神

歲熟鄉鄰樂辰良祭賽多荒園拋鬼飯高杓置

神鵝

村人謂祭神之牲曰神猪神鵝

人散叢祠寂巫歸醉臉酡

飢鴉更堪笑鳴噪下庭柯

小立

紅樹園廬晚碧花籬落秋荒陂船護鴨斷岸笛

呼牛酒賤村村醉山寒寺寺幽聊須岸鳥憤小

立埭西頭

窮老

窮老寧須歎吾生得已多風埃棄朝憤煙雨弄

漁蓑富屋烏爰止閉門爵可羅人生只此是得

酒且高歌

晚步舍東

籬槿花開柿葉丹土溝東去過牛欄艸煙漠漠

天將算布褐蕭蕭客正寒

述野人語

白米乾薪好井泉甘餐美睡若登仙從來不慣
嘗鹽酪席下何須有一錢

又

重重大布敵風霜籬外桑陰五月涼軟飯一盂
千萬足那知世有郭汾陽

戲畬野人

日飲雲根一脉泉知君骨相自應仙曲肱閑臥
茅簷下買斷南山不用錢

又

木葉凋疎天欲霜老懷多感易淒涼得君數語
開人意徑就湖橋醉夕陽

湖橋有村
店酒甚美

建安陳希周官海南爲予致兩拄杖其一
促節竹其一桄榔也

雨漬嵐侵蘚暈重石罅楛天正相同取從萬里
鯨波路來伴三山鶴髮翁雪

一作雲

上有時留醉

艸花前隨處打殘紅
化龍徑去吾何憾
且與人間作歲豐

排悶

棄官謂逍遙
勞苦殊未旣
荒疇須墾闢
破屋欠塗墍
疾淡藥難求
食盡穀暴貴
安能作經營
但覺睡有味
秋高霜露逼
更苦薪炭費
雖云未遽死
飢凍亦可畏
頗思從李廣
小獵聊吐氣
復恐灞亭歸
邂逅逢醉尉

九月十二日折菊

黃菊芬芳絕世奇
重陽錯把配萸枝
開遲愈見凌霜搯
堪笑兒童道過時

表姪江垆種竹名筠坡來求詩

奉常遺緒冷如秋
閉戶知君頗好修
千里可嗟妨晤語
兩書猶喜免沉浮
但令有竹能醫俗
何患無天可寄愁
一事却須常自勉
勿容凡子得同遊

微雨

晡後氣殊濁黃昏月尚明
忽吹微雨過便覺小
寒生樹杪雀初定艸根蟲已鳴
呼童取半臂吾欲傍堦行

秋晚寓歎

荷葉枯已盡菊花殘更香
帶醒嘗野橘和夢聽
啼螿鬢畔流年速燈前舊話長
寒龜且未死不必恨搢牀

又

野處仍多病經年無與遊
僧庸幾市井醫傲過
公侯不睡愁逢夜無衣怯到秋
一端聊自慰問事有長頭

又

幽夢雞呼覺孤愁雨滴成
天高那可問年往若
爲情孱虜猶遺育神州未削平
登高西北望衰涕對誰傾

又

老歎交朋盡閑知日月長著書終覆瓿得句漫
投囊霜樹昏鴉黑風簾小蝶黃村醪如水薄也
復當年光

又

十里丹楓岸三家小麥村山多妨極目秋晚易
消魂火舉船過埭人行犬吠門窮愁已如許那
更雨昏昏

又

行年垂大耋久矣少朋儔舊事同誰說新詩或
自詘廢書眠過日泥酒醉經秋遲速皆當死時
來莫預愁

秋晚湖上

已過西成賽廟期家家下麥不容遲夕陽遍野
人歸後秋水生灘鷺集時靈藥不治懷抱惡好
詩空益鬢毛衰從來未識蘇司業愁絕西風滿

酒旗

縱遊歸泊湖橋有作

西蜀東吳到處遊千巖萬壑獨吾州短篷載月
娥江夜小蹇尋詩禹寺秋村酒可賒常痛飲野
人有興卽相求何由喚得王摩詰爲畫湖橋一
片愁

九月十八日至山園是日頗有春意

烏藤真好友伴我出荆扉落葉紛如積鳴禽暖
不歸露濃松鬣長土潤木苗肥未盡幽尋興還
家趁夕暉

明日又來天微陰再賦

烏臼赤于楓園林九月中天寒山慘淡雲薄日
曛曠旋摘分猿果寬編養鶴籠身閑足幽事歸
臥莫匆匆

又

河岸風檣遠村陂牧笛長短籬圍鹿眼幽徑繚

羊腸照水鬚眉見
搓橙指爪香
衣裘又關念
礎杵滿斜陽

雨後至近村

夜雨曉方止
朝雲猶作陰
山餘一寸碧
溪長半篙深
臥泛白鷗渚
行穿黃葉林
老農能共語
真率會人心

又

年耄身猶健
秋高疾已平
隣翁思問訊
蔬圃要巡行
竹杖輕無迹
芒鞋捷有聲
相逢無別語
努力專冬耕

雨復作自近村歸

夜聽蕭蕭未漲溪
朝行漉漉已成泥
可憐鳩取招麾速
誰似雲知出處齊
野菊枝長半狼藉
江楓葉落正淒迷
行人也識龜堂老
小榼村醪手自攜

雨寒戲作

掃園收擱葉掃地甃塼爐幸有藜烹粥何慙紙
作襦

衡門晚眺

幽居端似玉川生茅屋支撐不更營青旆荒寒
增酒興錦囊零落負詩情殘蕪色襯斜陽遠落
葉飛如野鳥輕徂歲崢嶸忽如許雁來又過會
稽城

不寐

麗譙聽盡短長更幽夢無端故不成寒雨似從
心上滴孤燈偏向枕邊明讀書有味身忘老報
國無期涕每傾敢為衰殘便虛死誓先鄰曲事
春耕

示子虞

好學承家夙所奇蠹編殘簡笑娛嬉一婚倘畢
吾無累吾今年為一子自蜀歸者聘婦無復婚嫁之責三釜雖微汝有
期子虞明秋當赴句金聿弟元知是難弟德兒稍長豈常

兒要令舟過三山者弦誦常聞夜艾時

弊廬

弊廬雖陋甚鄙性頗所宜歆傾十許間艸覆實
半之確聲隔柴門績火出枳籬縛木爲彘牢附
垣作雞埒黃犢放林莽蒼鵝戲陂池傭耕食干
我客主同爨炊瓦盎設大杓菹菹羹園葵一飽
荷鋤出作勞非所辭上以奉租賦下以及我私
有錢卽沽酒阡陌恣遊嬉亦有扶持者婢跣奴

髻椎欲畫恨無人後世考此詩

予未冠卽交諸名勝今無復在者感歎有

作

早歲鄉閭接勝流老來零落歎山丘欲尋笑語
人難得却是封侯印易求數酌不能成兀兀一
枰且復寄悠悠世間只有身差重惆悵今年白
盡頭

夜雨

吾詩滿篋笥最多夜雨篇四時雨皆佳莫若初
寒天紙帳白于氈紙被軟于綿枕傍小銅匱海
沉起微煙是時聞夜雨如竊竹管弦恨我未免
俗吟諷勤雕鐫南朝空堦語妙出建安前意謂
奪造化百世莫比肩安知梧桐句乃復與竝傳
夜雨何時無奇語付後賢

題嚴州王秀才山水枕屏

我行天下路幾何三巴小益山最多翠崖青嶂
高嵯峨紅棧如帶縈巖阿下有駭浪千盤渦一
跌性命委蛟鼉日馳三百一烏驟雪壓披瓊泥
滿鞞驛亭沃酒醉臉酡長笛腰鼓雜巴歌大散
關上方橫戈豈料世變如翻波東歸輕舟下江
沱回首歲月悲蹉跎壯君落筆寫岷嶓意匠自
到非身過偉哉千仞天相摩谷裏人家藏綠蘿
使我恍然越關河熟視粉墨頻摩挲

小飲示座中

鏡裏蕭蕭兩鬢衰
閑人正與老相宜
誰知翦燭焚香夜
恰是搓橙破橘時
莫道閉門無逸氣
尙能爲客誦新詩
君看江海寬多少
是處皆堪理釣絲

搖落吟

素秋欲盡風雨惡
千林如掃俱搖落
年運而往秋復冬
念念元知已非昨
癡人顧欲吝此生
放翁憫汝笑絕纓
髮毛爪齒俱外物
天地大化終無情
我貧無以遺兒子
惟有一言持付爾
仕宦要能當百挫
爲農飢死無游惰

插花

有花君不插
有酒君不持
時過花枝空
人老酒戶衰
今年病止酒
虛負菊花時
早梅行可探
家醞綠滿卮
君不強一醉
歲月復推移
新詩亦當賦
勿計字傾欹

雨過行視舍北菜圃因望北村久之

疏畦躡屐愜幽情
檢校園丁日有程
得雨尚慳須灌溉
我來時聽桔槔聲

又

吳牛齧艸臥斜陽
烏臼青紅未飽霜
急趨路乾來寓目
十分閑事却成忙

居三山時方四十餘
今三十六年久已謝
事而連歲小稔喜甚
有作

自問湖邊舍
衰殘俛仰中
謀身悲日拙
造物假年豐
稅足催科靜
禾登債負空
社醅邀里巷
膳肉飫兒童
衣及霜晨贖
爐先雪夜紅
院塘趨版築
垣屋訖宮功
盜息時雍象
人淳太古風
退夫無一事
鼓缶伴鄰翁

幽居

百事徒勞無一成
幽居偶得稱幽情
傍籬叢枳寒猶綠
遶舍流泉夜有聲
飢坐炮燔多巨粟
醉歸懷袖有新橙
愛閑自是從來癖
敢竊區區納

祿名

予自儀曹罷歸十年
不出戶乃請挂冠

曉晴肩輿至湖上

多稼如雲穫併空
牛闌樵擔畫圖中
梧桐已逐晨霜盡
烏臼猶爭夕照紅
脫網噉犇遠浦避
鷹撲握保溪叢
旗亭人語燈初上一
醉何妨野老同

戲作野興

省事貧猶富
寬懷客勝家
充虛一簞飯
遣_在半甌茶
有興閑垂釣
逢歡醉插花
皋橋亦可死
處處是生涯

又

擾擾亭中客
悠悠局上棋
所遭元有命
自苦竟何爲
馮衍淡尤婦
陶潛過責兒
奇文雖可貴
竊語豈非癡

又

久已挂吾冠
江邊歲又殘
心惟無媿怍
身取不

飢寒小酌三杯足安居一席寬東岡有泉豚攜杖試尋看

又

今年病微減耕稼樂江村燈火取破屋歌呼圍老盆常時但葵菹盛饌有雞豚客散茅簷寂蹠跚自閉門

又

出月語鄰叟與卿同一愚逢人卽如舊臨事不勝迺髮白花猶插囊空酒亦沽回漁五十載何處有榮枯

又

有酒皆堪醉無山不可廬遂初成近賦孤憤悔前書湘寺分經帙廬山寄藥鉏江頭霜葉滿詩興屬騎驢

道室書事

榻上一琴橫中函太古聲丹砂燒已死芝艸種

初生道勝魔軍破方靈疾豎平明朝有蜀使細
字報青城

行飯至潮桑堰東小市

飽食無營是處遊偶然來到隸東頭芒鞋也似
雙鳧快漁艇真如一葉浮樵擔行歌衝暝色酒
旗遮路賣新筍任朱二老今安在歎息黃茅擁
故丘

任朱皆居堰旁與予
同乙己生今死矣

負日戲作

困來兩眦似膠黏底怪吳人號黑甜安得他生
不識字朝朝就日臥茅簷

世傳楊大年見老兵
負日不覺曰快活因

問汝識字否對曰不識
大年曰如此更快活也

遊西村

昨夜雨多溪水渾不妨喚渡到西村出遊始覺
此身健無食更知吾道尊藥笈可賒山店酒筇
杖時打野僧門歸來燈火茅簷夜且復狂歌鼓
盜盆

初冬

平生詩句領流光絕愛初冬萬瓦霜
楓葉欲殘看愈好梅花未動意先香
暮年自適何妨短景無營亦自長
況有小兒同此趣一窗相對弄朱黃

遣懷

寬袂新裁大布裘低蓬初買小漁舟
舊交只有青山在壯志皆因白髮休
漫道臥熊吞貉子安能浙米向矛頭
山園芋栗秋方熟一飽今知本易謀

策杖

山翁老病人腰膂坐覺諸兒行步奔
暫出衡門須策杖千回上樹更堪論

汲東山下井

從來耽酒須微祿絕祿三年酒盞疎
百尺輓轆新浚井一杯聊慰渴相如

園中作

誰采枕椰寄一枝北來萬里爲扶衰風光最愛
初寒候懷抱殊勝未老時閑引微泉成曲澗盡
除枯蔓補疎籬花前自笑童心在更伴群兒竹
馬嬉

又

病侵衰境頻須藥日漏寒雲旋作晴幽鳥喚回
殘枕夢蠻童扶下野堂行書生本自安窮處豐
歲何妨樂太平新買西村兩黃犢閑招鄰曲議

春耕

園中

霜凋檉柳枝無葉風折安榴子滿房冬日園林
元自好老人懷抱自多傷

短篷

射的山前繫短篷快如魚鳥出池籠試臨清鏡
枯顱茁不待丹砂兩頰紅逐妄百年真自苦造

微一日有餘功不須更說岷峨約已覺蓬壺在
眼中

自適

遠遊思思念久困念耕桑家釀傾醇碧園蔬摘
矮黃小槽用菜豆麪利名因醉遠日月爲閑長
今歲雖中熟吾徒亦小康

堂東小室淡丈衰半之戲作

小室舍東偏滿窗朝日妍研池生細浪香岫起

微煙欲極園書樂少須冰雪天猶勝禪榻上僅

僅占三椽

禪僧自謂三條椽下六尺單前

獨處二首

蓬門終日閉寂寂少人聲納祿知身貴傳家覺
責輕朝餐烹芋糝夜坐藝松明刻却彈棋局此
心如砥平

白糲敷牀穩烏藤倚壁斜灰淡惟畫字燈暗不
成花似客猶居里如僧未出家孤村夜無月何

事有啼鴉

探梅至東村

乞得殘骸已累年柴車破弊不堪懸閑愁正要供
詩思小疾何妨省酒錢忍事漸多心混混貯書雖
少腹便便今朝偶有尋梅興春色爭來拄杖前

讀史

青燈耿耿夜沉沉掩卷淒然感獨深
恤緯不遑
媿婦歎美芹欲獻野人心孤忠要有天知我萬

事當忠後視今君看宣王何似主一篇庭燎未

忘箴

漁翁

船入蘆花日暮時雙瞳炯炯鬢如絲
世間豈少
磻溪叟老向煙波人不知

又

文叔君房兩故人可憐俱作白頭新
桐江歸伴
隣翁醉一笑相看意却真

寓言

濟劇人才易扶顛力量難爲謀須遠大守節要
堅完氣與秋天杳胸吞夢澤寬方知至危地自
有泰山安

又

出仕謝招麾還家美蕨薇溪居全素志大路息
危機世變生呼吸人情忽細微牀頭周易在捨
此欲安歸

又

山海三家市風煙五畝園藜羹均玉食茅屋陋
朱門耕釣此身老乾坤吾道尊故交淪落盡至
理與誰論

夜四鼓睡覺起行簷間觀新作南籬

星斗闌干天宇清起披短褐繞廊行葉聲颯颯
飛霜重籬影疎疎落月明沙冷斷鴻投別浦風
高殘漏下孤城衰遲自笑情猶在一首新詩取

次成

客去追記坐間所言

征西幙罷幾經春
歎息兒音尚帶秦
每爲後生談舊事
始知老子是陳人
建隆乾德開王業
溫洛榮河厭虜塵
倘得此生重少壯
臨危敢愛不貲身

疇咎

行路悲疇咎
驅車每戴星
數殘雙隻堠
歷盡短長亭
飛蓋交迎餞
聽歌半醉醒
至今湖海夜
猶夢隴山青

飲牛歌

門外一溪清
見底老翁牽牛飲
溪水溪清喜不
汚牛腹豈畏踐
霜寒墮趾舍東
土瘦多瓦礫
父子勤勞菽黍
稷勿言牛老行
苦遲我今八十
耕猶力牛能生
犢我有孫世世
相從老故園
人生得飽萬事足
捨牛相齊何足言

牧羊歌

牧羊忌太早太早羊輒傷一羊病尚可舉群無
全羊日高露晞原艸綠羊散如雲滿川谷小童
但搯竹一枝豈必習詩知考牧

生日子聿作五字詩十首爲壽追懷先親

泫然有作

十月十七日

我生尙及宣和末頒曆頻驚歲月移負米養親
無復日蓼莪廢講豈勝悲渡江百口今誰在抱

恨終身祇自知文字虛名何足道樽前媿汝十
章詩

園中書觸目

氣候今年晚濃霜始此回殘梧未全槁晚菊有
初開烏柏先楓赤寒鴉後雁來西窗夕陽暖摘

橘薦新醅

烏柏未霜而葉丹
寒鴉必得霜乃至

養生

武丁命傳說治國如和羹天亦命放翁用此以

養生抑過補不足輔相其適平千歲汝自有不
必師廣成

齋中雜興

八十頽齡安所歸蕭然終日掩柴扉清心始信
幽棲樂窮理方知俗學非山果滿筐猿食足石
泉通笕藥苗肥衰翁莫道渾無事掃葉歸來又
落暉

又

倒掩衡門手自關老身著在亂書間有詩尚作
清宵崇無事能妨白日閑薄葺上樓聊試步經
旬止酒自醺顏兒曹莫笑衰翁嬾擬遍淮南大
小山

江上

更會橋頭江渺然隔江村店起孤煙冷雲垂野
雪方作斷雁叫群人未眠萬里漂流歸故國一
生蹭蹬付蒼天暮年尚欲師周孔未遽長齋繡

佛前

追憶征西幙中舊事

大散關頭北望秦自期談笑掃胡塵收身死向
農桑社何止明明兩世人

又

小獵南山雪未消繡旗斜卷玉驄驕不如意事
常千萬空想先鋒宿渭橋

又

憶昨王師戍隴回遺民日夜望行臺不論夾道
壺漿滿洛筍河魴次第來

在南鄭時關中將
吏有獻此二物者

又

關輔遺民意可傷蠟封三寸綃書黃亦知虜法
如秦酷列聖恩深不忍忘

關中將校密報事宜
皆以蠟書至宣司

冬夜

颼颼黃葉欲辭枝況著霜風抵死吹投老難逢
身健日讀書偏愛夜長時孤村月白聞衣杵破

竈煙青煮芋糜不是用心希陋巷爲儒自合耐
寒飢

冬日

室中恰受一蒲團也抵三千世界寬上策莫如
扃戶坐苦閑猶復取書看蔬青飯軟枝梧老窗
白爐新準備寒堪笑此翁幽獨慣却嫌兒女話

團欒

冬朝

風入園林徹夜鳴曉看黃葉與堦平篝爐火著
衣初暖爨釜薪乾粥已成潔己工夫先盥頰正
心事業始冠纓聖賢雖遠詩書在殊勝隣翁擊

磬聲

釋氏謂銅鉢爲磬

冬暮

曉角昏鐘爲底忙豈容老子更禁當
棄除富貴
惟身健補貼光陰有夜長
臨水小軒初見月滿
庭殘葉不禁霜巴江尺素何時到
剡著新詩寄

斷腸

張梓州書
久不至

風月

鏡中日日鬢毛衰八十還思七十時風月不知
人意緒酒醒夢斷又催詩

落葉

萬瓦清霜作月明臥聽殘漏若爲情無端木葉
蕭蕭下更與愁人作雨聲

邠風

少學詩三百邠風最力行春前耕犢健節近祭
猪鳴簷日桑榆暖園蔬風露清金丹不須問持
此畢吾生

擁爐不出輒終日自嘲

柴門木落葉成堆十日元無一再開書坐藏多
爲飽崇詩綠吟苦作窮媒兒言山圃當收栗僧
約溪橋共探梅堪笑此翁推不動地爐無火畫
寒灰

嘲梅未開

梅蕊如紅稻中藏無盡香何時來鼻境更待幾
番霜

劔南詩彙目錄

卷第四十九

自嘲 解嘲 野興 枕上 遠遊 晚
遊 夜坐 酒熟醉中作短歌 冬夜讀
書有感 散步湖上至野人家 對食戲
詠 昨非 遂初 小雨偶出隣里小兒
競隨吾後不知其意何也 書喜 書房
雜書 首二 寒夕 讀經 讀史 讀劉蕡

策 雨霰作雪不成大風散雲月色皎然

中夜苦寒 示子孫首二 早梅 縱筆

首二 歲暮雜感首四 自責 懷舊用晉人

蜀道詩韻 出遊 辛酉冬至 冬至後

一日書 客至 子聿入城 降魔 冬

日首二 客去 自勉首四 午晴至園中

七姪歲尊同諸孫來過偶得長句 苦寒

閒中書適首二 復湖 梅花絕句首四

跋馮氏蘭亭首二 十二月二日夜夢與客

竝馬行黃河上憩於古驛首二 倚樓 讀

書 讀史 閒遊 日暮 省事 雪中

作 夢韓无咎王季夷諸公 晴窗讀書

自勉 冬夜讀史有感 大寒 自詠

晚興 雪後寒甚 雪晴步至舍傍 訪

隱者 村野 初夜 雙松 兀兀 殘

曆 戒言 聞松風有感 遣興首二 有

道流過門留與之語頗異口占贈之 閒

記老境首二 小飲梅花下作 門外野望

自題傳神 歲暮貧甚戲書 晚晴閒

步隣曲間有賦 誦書示子聿首二 十二

月二十九日夜半雨雪作披衣起聽 辛

西除夕 除夕

劔南詩彙目錄卷四十九終

劔南詩彙卷第四十九

自嘲

僻學論交少貧居卜地偏不逢方謝事垂老旋

希僊兀兀醒如醉昏昏晝亦眠却慚農與圃一

飽餞餘年

解嘲

一壑棲遲久多生習氣消行藏無媿作夢覺兩

逍遙倩鶴傳山信疏泉洗藥苗晚來幽興極藥

月過溪橋

野興

晨炊畚粟薦園蔬
默計生涯已有餘
舉世方誇稽古力
滿懷空貯活人書
悶呼赤腳行沽酒
出遣蒼頭旋餽驢
不爲歸休習疎嬾
愛閑元與市朝疎

枕上

送盡小窗月數殘
孤戛夏清詩時自至
幽夢久方成
衣杵斷還續
燈花落復生
細衾贖得暖紙
帳不知明

遠遊

老子平生喜遠遊
流塵不惜閭貂裘
江亭吹笛三巴夜
關路騎驢二華秋
但使澄心同止水
自知幻境等浮漚
悠然飽聽松風睡
勾漏丹砂底用求

晚遊

垣屋參差出溝谿曲折通亂鷗空際黑落日竹
間紅軋軋輿竿語搖搖旛脚風吾行本無定隨
意入空濛

夜坐

流落知聞絕歸休寵辱空酒狂寧限老詩息正
須窮活火生新焰殘燈委碎紅平生會心處正
在兀然中

酒熟醉中作短歌

陸子壯已窮百計不救口蜀道如上天十年厭
犇走還鄉困猶昨負郭無百畝雖云飢欲死亦
未喪所守虛名一畫餅陳迹幾芻狗但息從壯
士大獵雲夢藪長戈白如霜爛漫載牛酒箭穿
乳虎立車轡蒼兕吼歸來數禽獲毛血灑戶牖
人生貴適意富貴安可苟

冬夜讀書有感

落葉殘蕪又一冬老人光景易怱怱不論病惰

耕桑業但恨貧分學問功馬脊騰驤離冀北鶴
今憔悴返遼東六經未與秦灰冷尚付餘年斷
簡中

散步湖上至野人家

湖上霜高水落時一藤信步出尋詩妄誇強健
真堪笑喚作清閑亦自欺西埭又隨牛迹去東
村常望鶴巢知漁翁畱客頻辭謝雞瘦難烹酒
味漓

對食戲詠

癭榼傾桑落毫杯點雨前冰梨頰似頰霜粟大
如拳洗脯烹蔬甲攜鉏斲筍鞭餘年只此是切
勿念腥羶

昨非

溫飽從來與道違書生只合臥牛衣老狐五百
生前錯孤鶴三千歲後歸舌自生肥勝玉食腰
常忘帶況金圍一官彭澤曾何有元亮還家悔

昨非

遂初

貧士善用短屏居常自如出尋鄰叟語歸讀古
人書過店亦沽酒登山時跨驢非關傲塵世聊
欲遂吾初

小雨偶出隣里小兒競隨吾後不知其意
何也

雲生海溼初飛雨日漏山椒旋作晴箬笠芒鞋
橋下路兒童爭逐放翁行

書喜

堪笑龜堂老更頑天教白髮看青山家居禹廟
蘭亭路詩在林逋魏野間略計未嘗三日醒細
推猶得半生閑今年況展南湖面朝借樵風莫

可還

時方有朝
命復鏡湖

書房雜書

歛版一何久懸車已後時狂醒醒始悔窮獨老

方知世外乾坤大林間日月遲猶須采藥去不
媿鹿門期

又

面槁髮鬚衰殘百不能夜房侵戶月晨硯滿
池冰藥債多於酒蔬餐薄過僧年溪拄杖折自
斫潤邊藤

寒夕

夜扣銅壺徹旦吟了無人會此時心燈殘焰作
孤螢小火冷灰如積雪溪風急江天無過雁月
明庭戶有疎碁此身畢竟歸何許但憶藏舟黃
葦林

讀經

半升粟飯養殘軀晨起衣冠讀典謨莫謂此生
無用處一身自是一唐虞

讀史

民間斗米兩三錢萬里耕桑罷戍邊常使屏風

寫無逸應無烽火照甘泉

讀劉蕡策

志士仁人一作人人氣薄雲唐家惟有一劉蕡看渠
放逐蛇龍手那肯驅蠅與拍蚊

雨霰作雪不成大風散雲月色皎然

數間茅屋寄蓬蒿天遣來歸息我勞月可一庭
陳素練風酣萬木起驚濤病侵齒髮才雖盡酒
挾江山氣尚豪安得人間掣鯨手共提筆陣法

莊騷

韓文公以騷配莊古
人論文所未嘗及也

中夜苦寒

困窮全素節羸老愈剛腸報國永無日飯蔬那
自傷布衾如鐵冷冬夜抵年長推枕歌梁甫中
庭月似霜

示子孫

為貧出仕退為農二百年來世世同富貴苟求
終近禍汝曹切勿墜家風

又

吾家世守農桑業一挂朝衣卽力耕
汝但從師勤學問不須念我叱牛聲

早梅

東塢梅初動香來託意淡明知在籬外
行到却難尋

縱筆

晨炊躬稼米夜讀世藏書俯仰無多媿
心知死

有餘

又

破困供飯足陋屋著身寬小蹇勤芻秣
時時一跨鞍

歲暮雜感

衰髮如枯管殘齒如敗屐取米鬻薄糜
便足度晨夕欲知死遠近不必訊龜筮
四序忽已過如數埃雙隻發裝陌上亭
具食水邊驛會當一日

歸豈有終作客

又

天風吹雪片大者如飛鷗豈惟平溝坑直恐糞
馬牛百錢買薪蒸千錢贖褐裘雖無狐貉溫要
免溝壑憂小兒爲我言幸可具杯甌園蔬亦復
佳過足公務崇求

又

歲盡霜雪稠相望僵萬木天豈私梅花獨畀此
芬馥高標我自有何憾老空谷人言和羹實晚
或參鼎餼哀哉世論卑汗我塵外躅誰能湔祓
之寫真配修竹

又

我少雖嗜書賦性實慵惰初志略未訛白髮已
無那吾兒猶好勇世事如棄唾呻吟編簡中徹
旦或未臥爾來愈自勵日讀易一過勉終大學
功吾道要負荷

自責

晨起登堂正幅巾蕭然聊欲養吾神凡心未免
更詩字習氣猶思議古人買屨爲登山寺去徹
燈緣愛月窗新何時一切消除盡終作無懷上
古民

懷舊用答人蜀道詩韻

曩自白帝城一馬獨入蜀晝行多水湄夜宿必
山麓時聞木客嘯常憂射工毒蜿蜒蛇兩頭蹉

踔躩一足豈惟耳目駭直恐性命促稍歷葭萌
西遂出劔閣北奴僵不敢訴馬病猶盡力我亦
困人客一日帶屨束最憶蒼溪縣送客一亭綠
豆枯狐兔肥霜早柿栗熟酒酸壓杏梨妓野立
土木主別意益勤我去疲已極行行求旅店借
問久乃得溪聲畲歌長燈焰照影獨村深寒更
甚薪盡燒箚竹須臾風雨至終夕苦漏屋於時
厭道途自誓棄微祿猶幾三十年始謝祝史職

予四竊祠
祿乃謝事

君恩念篤老內閣使寓直亦思秋豪
報力億執黍稷却尋少時書開卷有慙色

出遊

僧院軒窗酒市樓過門自入不須留恰來竹下
尋棋局又向沙邊上釣舟詩放不能諧律呂書
狂猶足走蛟虬秦碑禹窆風煙外一弔興亡萬
古愁

辛酉冬至

今日日南至吾門方寂然家貧輕過節身老怯
增年鄉俗謂喫冬至
飯卽添一歲畢祭皆扶拜分盤獨早眠
惟應探春夢已繞鏡湖邊

冬至後一日書

霜霰新冬後年齡大耋時功名久無夢文字略
存詩丘壟歸何憾琴書付有兒癡人癡到底更
欲數期頤

客至

何處軒車客能來桑麥村一奴先入市此老自
磨門野果嘗皆澀村醅壓尚渾殘年亦何恨治
世作黎元

子聿入城

小硯寒生凍孤燈翳復明衰翁守微火稚子隔
重城日落林無影舟行水有聲詩家忌艸艸得
句未須成

降魔

老闍人間久曾降百萬魔悲憂誠害性喜悅亦
傷和省事常須勉忘懷得最多當年未知此無
奈月明何

冬日

故里躬耕後頽齡耄及前開門無客至得句有
僧傳忽忽身如夢迢迢日似年會當乘小雪夜
上剡溪船

又

客至惟清坐真貧不是慳
援琴排遣悶合藥破
除閑引鶴時穿屐逢梅一破顏
怪來寒徹骨夜
雪冒南山

客去

相對蒲團睡味長
主人與客兩相忘
須臾客去
主人覺一半西窗無夕陽

自勉

妄出真成錯
歸耕惜已遲
褐溫貧始覺
飯美淡

方知身外元無易
情中自有詩
窮源那得止
瞑目以爲期

又

自信直如弦
殘年偶得全
老猶嗤佞佛貧
亦諱言錢口
莫勤鞭策塵埃痛
洗滌仍須語兒子
此事要家傳

又

臂弱傳鈔少
心煩記問衰
讀書猶自力
愛日似

兒時章句分無憾聲形講不遺明年幸強健閉
戶有餘師

又

歸老寧常逸時時學荷鋤室雖無長物圃尚有
餘蔬壯志誠衰矣貧居亦晏如爲農當世業安
用築門閭

午晴至園中

老不禁寒起每遲出門蕭散午晴時春回九地
梅先覺霜貫千林竹不知藥圃采苗芒屨溼石
泉照影角巾欹歸來未過西簷日袖手悠然獨
詠詩

七姪歲暮同諸孫來過偶得長句

雨墊林宗一角巾蕭條村路竝煙津四朝遇主
終身困八世爲儒舉族貧行摘殘蔬循廢圃臥
聞飢雀噪空囷封胡羯末皆佳甚剗喜團樂一
笑新

苦寒

終日頻添季子裘經旬不上仲宣樓摩挲酒榼
雖堪喜疎索梅花未免愁正苦冰生退吟筆却
思雪作潤耕疇藥除擾擾殊多事獨擁青氈覓
睡休

閑中書適

棋廢機心息書捐美睡多客來時淡話酒後亦
高歌甚欲江湖去無如老病何平羌半輪月依

舊照漁蓑

又

乞得殘骸久天涯一秃翁瓢分春瓮綠甌絕太
倉紅短褐便冬暖長歌樂歲豐老腰那可折步
步賴枯筇

復湖

世事相尋敗與成湖中畚鍤浩縱橫莫知陂壞
行當復敢恨臺高旣已傾

小隱山園在湖中近聞亭觀皆廢

天

鏡忽看孤月墮
樵風長送片帆輕
下臨萬頃如雲稼
從此年年有頌聲

梅花絕句

體中頗覺不能佳
急就梅花一散懷
衝雨涉溪君會否
免教塵土沍青鞋

又

高韻知難折
簡呼溪頭掃地置
芳壺梅如解語
應惆悵
管日名流一箇無

又

折得梅花古渡頭
詩凡却恐作花羞
清樽賴有平生約
爛醉千場死即休

又

疎枝冷蘂誰能畫
楊叟江西舊擅名
今日東窗閑拂拭
去人一尺眼先明

跋馮氏蘭亭

堂堂淮陰侯
夫豈噲等伍
放翁評此本
可作蘭

亭祖唐古石刻本

又

繭紙藏昭陵千載不復見此本得其骨殊勝蘭

亭面

中山舊本山谷有句云俗書喜作蘭亭面

十二月二日夜夢與客竝馬行黃河上憩

於古驛

竝轡徐驅百里中雲開太華翠摩空是間合有神靈在七十餘年墮犬戎

又

河濱古驛闢重門雉兔紛紛黍酒渾吾輩豈應徒醉飽會傾東海洗中原

倚樓初三日

暮雲細細鱗千疊新月纖纖玉一鈎歎息化工真妙手衝寒來倚水邊樓

讀書

先親愛我讀書聲追慕慈顏涕每傾萬事到前

心盡嬾一編相向眼偏明致君正使違初志爲
已猶當畢此生更祝吾兒息早退雨蓑煙笠事
春耕

讀史

夜對遺編歎復驚古來成敗浩縱橫功名多向
窮中立禍患常從巧處生萬里關河歸夢想千
年王霸等棋枰人間只有躬耕是路過桑村最
眼明

閑遊

已破梅花一兩枝竝溪穿塢每歸遲老軀健似
中年日鄉俗淳如太古時上疏清狂非復管據
鞍矍鑠欲誇誰一端尙被鄰翁笑無事長吟費
撚髭

日暮

樸學無關道廢興更堪衰與病相殘眼看白日
西南去繩繫膠黏總不能

省事

老去終年臥艸廬事皆省盡略無餘塵留鼠跡
猶嗔拂風作瓢聲固不除興發舊醅何害醉詩
成拙筆亦堪書投牀睡美悠然覺作計今知本
不疎

雪中作

鬢毛無奈歲華催一笑登臨亦樂哉平地忽成
三尺雪遶湖何啻萬株梅雲山疊疊朝憑閣簾

幙沉沉夜舉杯節物鼎來方自此酥花綵勝待
春回

夢韓无咎王季夷諸公

積雪欲照夜老雞方唱晨諸公逝已久幽夢忽
相親話舊慙懃意追歡見在身悠然又驚覺撫
枕一悲辛

晴窗讀書自勉

今日雪始晴遶舍烏烏樂老來少睡眠雖病亦

早作豈無案上書可與芙蓉寂寞弦歌始風雅次第窺灑噩高明仰河漢曲折窮脉絡唐虞誠未遠洙泗亦如昨委佩聞都兪避席承博約膏肓幸施砭幽閔欣納鑰天全魯壁藏不墮秦火虐吾生百世餘其敢負所託

冬夜讀史有感

短檠膏涸夜將殘感事懷人興未闌酌酒淺淡須自度圍棋成敗有傍觀斷栖作飯終年飽大

布裁袍稱意寬世上閑愁千萬斛不教一點上
眉端

大寒

大寒雪未消閉戶不能出可憐切雲冠局此容
膝室吾車適已懸吾馭久罷叱拂塵取一編相
對輒終日亡羊戒多岐學道當致一信能宗闕
里百氏端可黜爲山儻勿休會見高峯律頽齡
雖已迫孺子有美質

自詠

滿梳晨起髮凋零
亭午柴門未徹扃
萬事忘來尚憂國
百家屏盡獨窮經
楠枯倒壑雖無用
龜老搗牀故有靈
夢裏騎驢華山去
破雲巉絕數

峰青

十二月十二夜夢
實有此故識之

晚興

斲芋挑蔬自鬻羹
雪簷收滴算寒生
不嫌終日無來客
時聽荒園斲木聲

雪後寒甚

日破重雲出
春從淺步來
未融樓北雪
先綻水南梅
屏護清吟硯
缸鳴乍熟醅
平生羨李愬
入蔡夜街枚

雪晴步至舍傍

雪消還似雨
冰釋旋成泥
視菜荒陂北
尋梅小塢西
牆陰新犢臥
庭際午雞啼
幽興殊無極
歸來日已低

訪隱者

湖曲有隱者時時容叩門人如釣渭空地似避秦村笑語囂塵遠衣冠古製存山寒歸路晚相與盡瓢樽

村野

村野易過日閉門心自欣一身猶逆旅萬事固浮雲病厭詩爲祟閑憑酒策勲灌園雖舊業隨事不須勤

初夜

初夜多幽興危闌偶獨憑月陞星盡沒風勁雲重凝身似遊邊客心如退院僧奇寒不可耐歸對北窗燈

雙松

父老言紹興中所植

東岡天矯兩蒼龍千尺蟠空黛色濃六十餘年松若此誰知我更老於松

兀兀

兀兀孤村客悠悠兩世人夢忘身潦倒醉覺膽
輪困故里簪纓換都門巷陌新
聞臨安火後興葺漸畢餘
年猶有幾撫事一傷神

殘曆

殘曆不盈紙苦寒侵弊裘歲猪鳴屋角儺鼓轉
街頭未死猶當學長貧肯復憂雪晴農事起且
復議租牛

戒言

饒舌憂患始銘膺勸戒淡談空摩詰默對酒子
光瘖久已忘齊語何嘗解越吟悠然嫌未足更
撫絕弦琴

聞松風有感

重位每憂身後罵虛名不救眼前飢直須采藥
名山去日夜松風無歇時

遣興

侯印從來非所圖赤丁子亦不容呼著低怯對

新碁敵量減愁逢舊酒徒生世豈能常役役酣
歌且復和鳴鳴扁舟到處皆吾境莫問桐江與
鏡湖

又

家住城南剡曲傍門前山色蘸湖光三朝執戟
悲年往二頃扶犁樂歲穰名姓已隨身莫隱文
辭終與道相妨子孫勉守東臯業小甌吳粳底
樣香

有道流過門留與之語頗異口占贈之

萬里縱橫自在身偶然來看剡溪春取將月去
閑娛客攜得雲歸遠寄人縮地不妨遊汗漫移
山隨處對嶙峋須君更出囊中劔一爲關河洗
虜塵

閑記老境

謝事久懸車爲農嬾荷鋤破裘寒旋補殘髮短
猶梳槁木忘榮謝閑雲任卷舒心知老當逸先

罷夜觀書

又

嫌鬧不入市怕寒稀出門擁爐愁兀兀投枕睡
昏昏柳色新如染梅花香滿村猶嗟未免俗薄
酒誑空樽

小飲梅花下作

脫巾莫歎髮成絲六十年間萬首詩予自年十
七八學作
詩今六十
年得萬篇排日醉過梅落後通宵吟到雪殘時

偶容後死寧非幸自乞歸耕已恨遲青史滿前
閑即讀幾人爲我作著龜

門外野望十二月二
十五日

野迴浮煙碧門淡反照紅柳邊雙鷺渚天際萬
鷗風僧唄家禳疫神船社送窮豐年隨處樂忘
却鬢如蓬

自題傳神

識字淡村叟加巾下版僧擔挑雙艸屨壁倚一

烏藤得酒猶能醉逢山未怯登莫論明日事死

至亦騰騰

僧頌云今日騰騰任
運明日任運騰騰

歲暮貧甚戲書

阿堵元知不受呼忍貧閉戶亦良圖曲身得火
纔微直槁面持杯祇暫朱食案闌干堆苜蓿褐
衣顛倒著天吳誰知未減麤豪在落筆猶能賦
兩都

晚晴閑步隣曲間有賦

湯沐身輕念出遊近春原野霽煙浮樓陰雪在
玉三寸雲罅月生銀一鈎窮巷客稀常足睡莫
年詩退不禁愁鄉隣無事冬耕罷獨倚籬門數
過牛

誦書示子聿

乃翁誦書舍東偏吾兒相和山之巔翁老且衰
常早眠兒聲夜半方泠然楚公著書數百編少
師手授世世傳我生七十有八年見汝任此寧

非天

又

易傳三聖至仲尼炎炎秦火乃見遺經中獨無
一字疑正須虛心以受之世衰道散吁可悲我
老欲學無碩師父子共讀忘朝飢此生有盡志
不移

十二月二十九日夜半雨雪作披衣起聽
臘雪瑞豐登春雨相發生二者皆可賀愛此打

窗聲披衣起靜聽蕭蕭亂疎更豈惟肺渴蘇耳
目爲一清孤燈不結花相對翳復明明朝遂除
夕歲月驚崢嶸

辛酉除夕

衰境遇白雞自分墮幽墟造物偶見寬俯仰復
歲除鬢鬢迫耄期凜凜無根株孰知尙堅頑壯
者有不如銅瓶垂碧井手自浸屠麻松煤染兔
穎秉燭題桃符登梯挂鍾馗祭竈分其餘僮奴

歎我健却立不敢扶新春無五日節物傾里閭
羅旛挿紗帽一醉當百壺

除夕

六聖涵濡作幸民明朝七十八年身門前西走
都城道臥看無窮來往人

劍南詩豪卷第四十九

劔南詩彙目錄

卷第五十

開歲 箕卜

梅花絕句

六首

立春前一

日作 立春日

送子龍赴吉州掾

正

月五日出遊

六日雲重有雪意獨酌

閒甚戲作

莫笑

初春雜興

五首

春曉

書感

壬戌正月十四日

十五日

高枕

送施武子通判

老學菴自規



國家圖書館, NATIONAL CENTRAL LIBRARY, TAIWAN, R.O.C.

雨夜 子聿以剛日讀易柔曰讀春秋常
至夜分每聽之輒欣然忘百憂作長句示
之 記夢 夜賦 杜叔高秀才雨雪中
相過留一宿而別口誦此詩送之 曉賦

雪後龜堂獨坐首四 二月一日作 過

東鄰歸小憩 寄呂子和南廂 自述

呂氏子夔郎求詩 新晴 晚步湖堤歸

偶作 春來食不足戲作 散步湖隄上

時方濬湖水面稍渺瀰矣 老學菴 春

晚 龜堂雨後作 書感 後書感 村

居書喜 中春偶書 夜泊 東岡櫻桃

已過殊不知 別嚴和之首二 齋中雜題

首四 春晚 社日小飲 山茶 春夜

春遊 北窗睡起 北窗懷友 舟中作

首二 湖村春興 鄰餉 久雨 登山

讀易 村居書事首二 春晚書村落間事

雜興六首 南堂獨坐 春雨示鄰曲

讀書 新晴賞牡丹 對酒 病起遇晴

有作 定命 假山小池二首 春欲盡天

氣始佳作詩自娛 自詠 西村勞農

題廬陵蕭彥毓秀才詩卷後二首 舍北溪

上垂釣 三月二十二日作

劔南詩彙目錄卷五 十終

劔南詩彙卷第五十

開歲

綠襦新畫衛門扉 賀刺相欺可累 歛賣困不靈

仍喜睡送窮 無術又來歸 相尋蠶市人何在 爛

醉墓津事亦非 惟有禹祠春漸好 從今剡判典

春衣蠶市成都正初故事墓頤津狂 眉山亦邦人正月宴遊之所

箕卜

孟春百艸靈 古俗迎紫姑 厨中取竹箕 冒以婦

羣儒豎子夾扶持插筆祝其書俄若有物憑對
會不須臾豈必考中否一笑聊相娛詩章亦間
作酒食隨所須興闌忽辭去誰能執其袪持箕
畀竈婢棄筆臥牆隅几席亦已徹狼籍果與蔬
紛紛竟何益人鬼均一愚

梅花絕句

幾年不到合江園說著當時已斷魂只有梅花
知此恨相逢月底却無言

又

當年走馬錦城西曾爲梅花醉似泥二十里中
香不斷青羊宮到浣花溪

又

聞道梅花坼曉風雪堆遍滿四山中何方可化
身千億一樹梅前

一作花 一作一放翁

又

小亭終日倚闌干樹樹梅花看到殘只怪此翁

鏡湖詩集 卷之五十一
常謝客元來不是怕春寒

又

亂簦桐帽花如雪斜挂驢鞍酒滿壺安得丹青
如顧陸憑渠畫我夜歸圖

又

紅梅過後到緗梅一種春風不竝開造物無心
還有意引教日日放翁來

立春前一日作

壬戌開歲
四日立春

開年化日已舒長漸見風和鳥變吭冒土萱芽
抽嫩綠拂橋柳色弄輕黃重溫壽酒磨麻醞探
俗春盤餅餌香不入城門今幾歲遙知車馬正
匆忙

立春日

日出風和宿醉醒山家樂事滿餘齡年豐臘雪
經三白地暖春郊已遍青菜細蒺花宜薄餅酒
香浮螳瀉長瓶湖村好景吟難盡乞與侯家作

劍南詩集
三
畫屏

送子龍赴吉州掾

我老汝遠行知汝非得已
駕言當送汝揮涕不能止
人誰樂離別坐貧至于此
汝行犯胥濤次第過彭蠡
波橫吞舟魚林嘯獨脚鬼
野飯何店炊孤櫂何岸
檣判司比唐時猶幸免
笞箠庭參亦何辱負職
乃可恥汝爲吉州吏但飲
吉州水一錢亦分明誰能
肆讒毀聚俸嫁阿憺擇士
教

元禮我食可自營勿用念
甘旨衣穿聽露射履破從
見指出門雖被嘲歸舍却
睡美益公名位重凜若喬
嶽峙汝以通家故或許望
燕几得見已足榮切勿有
所啟又若揚誠齋清介世
莫比一聞俗人言三日歸
洗耳汝但問起居餘事勿
挂齒希周有世好敬叔乃
鄉里豈惟能文辭實亦堅
操履相從勉講學事業在
積累仁義本何常蹈之則
君子汝去三年歸我儻未
卽死江中

有鯉魚頻寄書一紙

正月五日出遊

久作閑人不慣愁
新春天氣更清柔
未爲遼海千年別
且繼斜川五日遊
細柳拂頭穿野徑
落梅黏袖上漁舟
此身定去神仙近
倚遍江南賣酒樓

六日雲重有雪意獨酌

遍遊數澤一漁舸
盡歷風霜只緼袍
天爲念貧偏與健
人因見嬾誤稱高
地連海溼濤聲近
雲冒山椒雪意豪
偶得名罇當痛飲
涼州那得直蒲萄

閑甚戲作

酒盡枵樽腹書拋
委架塵漸能閑過
日始覺老催人玉
麈王夷甫金龜賀
季真若論方外事
終媿葛天民

莫笑

莫笑窮閭叟人生亦已稀
衆中容後死險處得先歸
初服還韋布晨飧美蕨薇
牀頭周易在捨此復疇依

初春雜興

戲續春寒賦閑賡午醉詩
煎茶小石鼎酌酒古銅卮
曝日龜浮沼營巢鵲墮枝
村溪無客過幽興與誰期

又

水長鷗初泛山寒茗未芽
溪林聞社鼓落日照漁家
渡遠呼船久橋傾取路斜
客愁慵遠眺不是怯風沙

又

問途來野店秣蹇憩山郵
何處無詩息平生慣旅愁
翩翩下鷗鷺點點散羊牛
傳入王孫畫千金未易酬

又

故歲愁聽雨新春剗得晴暖催紅藥開漲入綠
池平遊馬行爭路華燈賣滿城江村獨無事戶
戶及時耕

又

老病倦遊陟偶尋溪友期殘冰擁魚笥新暖入
桑枝山崦巨然畫煙村摩詰詩何人爲收拾媿
我不能奇

春曉

喔喔雞號野昏昏月挂樓夢隨殘漏斷愁伴宿
醒留壯志看清鏡春寒著弊裘拂窗新柳色最
憶錦江頭

書感

投老羈孤久臨觴感概頻關河疎舊友風雨敗
新春事固少如意天終能勝人所悲頭上髮不
與柳條新

壬戌正月十四日

老子居然健上元如許晴湖平波不起天闊月
徐行散髮漁舟穩臨風野笛清安能擁笳鼓萬
里將幽并

十五日

誰推圓鏡上天東桂影婆娑滿鏡中天宇更無
雲一點譙門初報鼓三通兒童艸艸杯盤喜鄰
曲紛紛笑語同逐祿豈能無聚散明年誰復伴
衰翁

高枕

高枕閑看古篆香世間萬事本茫茫偶亡塞馬
寧非福太察淵魚恐不祥每與諸兒論今古常
息百世業耕桑危機正在黃金印笑殺初心繆
激昂

送施武子通判

初入修門鬢未秋安期千里接英遊退歸久散
前三衆邁往欣逢第一流只道升沉方異趣豈

知氣類宥相求龍鍾不得臨江別目斷西陵煙
雨舟

老學菴自規

堯德被四表其本在身修江河水稽天發源乃
涓流入忍於搏蝨習熟且解牛象箸與玉杯漆
器實其由斯須失兢畏惡名溢九州始乎爲善
士終可蹈軻丘孰置汝太山孰擠汝污溝降福
孰汝私得旤孰汝讎聖狂在一念旤福皆自求
易簣汝所知垂死勿惰偷

雨夜

斷岸輕煙著柳條孤村小雨夜蕭蕭荒雞隔浦
聲相續短燭無風焰自搖朴學元知縻歲月殘
生竟是老漁樵最憐鬢畔千莖雪日日春風吹
不消

子聿以剛日讀易柔日讀春秋常至夜分
每聽之輒欣然忘百憂作長句示之

朱顏已去鬢絲稠
知復人間幾歲留
正可牀頭著周易
安能車上說春秋
齋鹽日昡從兒好
弦誦更闌解我憂
時發一言常中理
絕勝問事不能休

記夢

信命從來不問天
經旬無酒亦陶然
夢爲估客揚州去
水調聲中月滿船

夜賦

八十衰翁久挂冠
今年無酒敵春寒
亂雲入戶雨方急
斷雁叫群燈未殘
蠹簡幸存隨意讀
蝸廬雖小著身寬
支離自笑心猶壯
憂國憂家慮萬端

杜叔高秀才雨雪中相過留一宿而別口
誦此詩送之

久客方知行路難
關山無際水漫漫
風吹欲倒孤城遠
雪落如筵野寺寒
蓐挈衣囊投土室
晨

沾村酒挂驢鞍文章一字無人識胸次徒勞萬
卷蟠

曉賦

雞晨非一唱鴉旦每三鳴萬物各有役吾生何
所營書編猶未掩窗紙已微明穉子勇過我琅
琅誦易聲

雪後龜堂獨坐

丈夫自重如拱壁安用人看一錢直簞食豆羹
不虛受富貴那可從人得讀書萬卷行媿心幽
有鬼神爲君憺龜堂樂處誰得知紅日滿窗聽
雪滴

又

兩手龜坼愁出袖閉戶垂帷坐清晝朝陽破雲
雪漸消點滴無窮聽簷溜士生百行雖相補第
一要能安飯糗詩書幸可教兒童勿使後人憐

晚謬

又

牙齒欲落何足惜
爛鬻藜羹自堪食
屋穿不害氣吐虹
客至從驚瘦如腊
天公鑄汝亦已至
春風裂面雪三尺
濁醪傾罷仰屋歌
尚友孫侔與

徐積

又

閉門屋漏不可居
出門雪泥深尺餘
興闌已回剡溪櫂
路滑罷僭東家驢
竹窗兀兀無與語
澆

愁賴有酒一壺
眼花耳熱睡至夜
吹火起讀殘編書

二月一日作

狼籍梅花委道傍
山櫻已復占年光
簷消積雪時聞滴
衣覆殘爐賸得香
老馬已衰寧識路
寒龜未死且搯牀
柴荆終日無來客
賴有陶詩伴日長

過東鄰歸小憩

籃輿過鄰曲綠野喜新晴暖日生花氣豐年入
碓聲築陂鄉竭作買犢戶深耕歸舍還尋睡殘
書傍枕橫

寄呂子和南廂

聖代多名德君家不乏公還看短袍綠來蹋軟
塵紅小忍便無事力行方有功官閑能念我時
寄尺書東

自述

藜藿安貧陋柴荆俯莽蒼露著朝筮易掃地晝
焚香美睡天教嬾長歌客恕狂歡然送餘日醉
死亦何傷

呂氏子夔郎求詩

乃祖身兼將相崇諸孫玉立有家風此郎已復
塵埃外它日相期氣類中行已勤勤須自省讀
書亶亶要新功果能哮吼如獅子一瓣香應嗣
放翁

新晴

兼旬不雨亦常陰一日新晴抵萬金
浦面波紋春穀細橋頭柳色麴塵深
關山滿眼愁千斛歲月催人雪一簪
猶有強寬懷抱處午窗睡起聽鳴禽

晚步湖堤歸偶作

酒盡知難折簡呼出門仍苦要人扶
殘梅委地香誰惜歸雁穿雲遠欲無
日落牛羊猶被野農閑畚鍤正開湖
還家寂寞西窗晚旋燎枯枝擁地爐

春來食不足戲作

飢臥誰能羨屬饜高懷飽食豈容兼
分司祿在終難取卿監致仕當得分司祿須自請乃給遂置之束帛恩深獨不
霑頃有赦令賜致仕者粟帛羊酒郡獨格不行衰謝形容無藥駐犇

馳日月欠膠黏兒童拍手看翁醉山杏溪桃簇帽簷

散步湖隄上時方濬湖水面稍渺瀰矣

老覺人間萬事輕不妨閑處得閑行西山鳥沒

算雲合南浦隄平春水生孤操不渝無鶴怨淡

交耐久有鷗盟先民幸處吾能勝生長兵間老

太平

邵堯夫自謂生於太平老於太平爲太平之幸民彼豈知幸哉若予生於亂離乃老於太平真可謂幸矣

老學菴

老學衡茅底秋毫敢自欺開編常默識閉戶有

餘師大節難危見真心夢寐知唐虞元在眼生

世未爲遲

春曉

強尋殘夢苦難成推枕搯藤繞舍行新漲生波

漁艇活晨曦送暖客衣輕煙迷芳艸蒼茫色鵲

占高枝嘍啞聲老病自憐猶嗜學誦書家塾羨

諸生

新館一客諸孫晨興入學誦書頗盛

龜堂雨後作

澤國春多雨龜堂病少悰雖名舊朝士其實老
耕農一點葦間火數聲煙外鐘詩材故不乏處
處起衰慵

書感

我欲哭窮途所懼世俗驚出門復入門掩淚且
吞聲唐虞邈難繼周孔不復生承學百世下我
輩責豈輕楊墨斥已殫釋老猶縱橫拔本塞其
源力盡志未平吾道如噉日薄食終必明一木
雖獨立可支大厦傾夷風方變夏孰能作長城
卓哉易簣公垂死猶力行

後書感

貧賤終身志不移閉關涵泳賴書詩唐虞未遠
如親見周孔猶存豈我欺力學正須忘寢食少
年誤計事文辭爾來朋友皆雲散考質從誰盡
所疑

村居書喜

紅橋梅市曉山橫
白堊樊江春水生
花氣襲人知驟暖
鵲聲穿樹喜新晴
坊場酒賤貧猶醉
原野泥深老亦耕
最喜先期官賦足
經年無吏叩柴荆

中春偶書

鄰曲祈蠶候陂塘
浸種時春寒薪炭覺
雨霽鼓鐘知驢瘦
衝泥怯魚驚食釣遲
衰翁一味嬾耕養
媿吾兒

夜泊

小聚近江干中春尚爾寒
釣船隨鷺宿煙月伴
鐘殘冉冉歲時速
茫茫天地寬推篷一搔首
無處著悲歡

東岡櫻桃已過殊不知

病著寒侵怕出門
蕭蕭煙雨暗江村
一樽闕與梅花別
過盡櫻桃不足言

別嚴和之

器之魂逝已難招尚有和之慰寂寥今夜月明
空歎息想君孤棹泊溪橋

又

千里風煙行路難旅舟應過子陵灘人間富貴
知何物莫負君家舊釣竿

齋中雜題

湖水日益長柳色日益淡好鳥西山來飛鳴過
前林年華挽不留陳迹曠難尋花開少共賞酒
熟惟孤斟王謝今編氓曲水空山陰一樽欲弔
古已矣子何心

又

屯雲失南山三日吹細雨歲月不貸人鼃聲遽
如許一年復一年老至不可禦下溼病在脾餘
息僅如縷枯皮裹瘦骨半屬松下土屋壞要當
顛安能強撐拄

又

鏡南詩集 十八
書生每苦飢得飯已可賀黃齋三百瓮自是天
所破有時尚不繼得米無暇簸昨者雪塞門煙
絕但僵臥雖云迫溝壑老學不敢惰夜分喚隣
翁我歌爾當和

又

西窗日過中飢坐生眼花援筆課小詩墨燥字
傾斜須臾忽滿紙翩翩若風鴉雖無古人法簡
拙自一家乃知雨漏壁未媿錐畫沙俄報豆飯
熟投筆喜莫涯呼童拾澗薪試我家山茶

春晚

萍葉青浮水蛙聲鬧徹明川雲時聚散天氣半
陰晴杏子爭梅結鳩巢後鵲成吾儕亦有役過
社更深耕

社日小飲

人生當惜老年時醉插山花壓帽欹世事恰如
風過耳微聾自好不須治

山茶

雪裏開花到春晚世間耐久孰如君憑闌歎息

無人會三十年前宴海雲

成都海雲寺山茶開故事宴集甚盛

春夜

寂寂春將暮迢迢夜未央膏殘燈焰短杵急藥
塵香困息棲雙睫羸軀寄一牀養慵新有味初
志悔軒昂

春遊

右軍不復見清真賞會猶須我輩人幽夢斷時
雞唱曉短章成處鳥呼春出山茶筍村墟鬧上
市蓴鱸七筋新速覓一壺隨處醉風吹紅紫半
成塵

北窗睡起

杏梢紅溼晝初長睡過窗間半篆香久厭客遊
歸自好本無才術老何傷依蒲不去群魚樂點
艸還驚小蝶忙堪笑放翁無一事強將詩句占

年光

北窗懷友

中年妄意慕軻雄
白首終希尺寸功
落落要居流俗外
兢兢恐墮異端中
仰天俯地猶多媿
飯豆羹藜已過豐
幸有北窗堪講學
故交零落與誰同

舟中作

娥江西路石帆東
身寄鷗波浩蕩中
疊疊沙痕

留浦岸疎疎日影透
漁篷詩人無復同盟在
酒債何時一洗空
已迫老年宜易感
人生五十卽稱翁

又

晤語無人與遣愁
出門聊復弄輕舟
山穿煙雨參差出水
赴陂塘散漫流
隔葉雄雌鳴谷鳥
傷林子母過吳牛
數家清絕如圖畫
炊黍何妨得小留

湖村春興

桑柘相望雨露新
桃源自隱不緣秦
稻陂正滿初投種
蠶子方生未忌人
酒俗鵝兒成淺色
魚憑雲母作脩鱗
賽神歸晚比鄰醉
一笑猶關老子身

鄰餉

結隊同秋穫
連牆聽夜春
薄持聊共飽
熱啜却煩供
炊玉吳粳美
浮蛆社酒醲
時平多樂事
莫厭數從容

久雨

風雨連旬日
屢空猶晏如
敢言苔及榻
僅免釜生魚
齋朝供鉢松
肪夜照書百年
如此過作計
未全疎

登山

困厄身垂老
登臨意未平
莫煙迷艸色
宿雨壯溪聲
往古飛鴻浪
浮名脫髮輕
平生五字律
自

笑尚關情

讀易

大易中含造化機 王何元未造精微 乾坤要自
吾身看臥聽雞鳴起索衣

村居書事

四十餘年食太倉 賜骸恩許返耕桑 長絲出繭
蓴羹美美白雪翻匙 稻飯香酒戶知貧 焚舊券醫
翁憐病獻新方 春殘睡足東窗下 聞道長安依

舊忙

又

藥物枝梧病漸蘇 門前野老笑相呼 春溪水暖
多魚婢雨足年豐 少麥奴小飲杯盤隨事具 閑
行巷陌倩人扶 題詩非復羌村句 誰與丹青作

畫圖

李伯時有羌
月圖傳於世

春晚書村落間事

千古會稽城 閭閻樂太平 豐年觀米價 霽色聽

禽聲俗儉憎浮侈民淳力釣耕
函詩有七月字
字要躬行

雜興

秦漢區區了目前周家風化遂無傳
君看八百年基業盡在東山七月篇

又

羲和分職授人時斷自唐虞意可知
獸舞鳳來餘事耳西成東作要熙熙

又

老無添處仍逢病春欲殘時未減寒
架上漢書渾忘盡牀頭周易却常看

又

一身逋負愁賒酒滿眼關山悔上樓
子細推來惟合睡五夏風雨已如秋

又

面顏日瘦口眼大氣血頓衰鬚髮
獰不用凌煙

寫冠劍一蓑煙雨事春耕

又

故交零落形弔影陳迹淒涼口語心辛苦一生
成底事祈招空解誦悵悵

南堂獨坐

晨坐南堂雙眼明南山山色滿柴荆片雲忽過
失簾影急雨初來聞竹聲鸚鵡螺溪生酒興蟾
蜍滴古助詩情野人頻約天台去幾緉青鞋了

此行

春雨示鄰曲

春來天氣苦蕭森如縷雲升便作霖寒溜何曾
住一滴綠陰忽已遍千林蓴絲箭茁垂垂老蓼
浦菱塘灑灑淡聞道南山花尙在約君攜酒試
同尋

讀書

堯庭君相都俞盛闕里師生博約淡我讀殘編

初南詩集

卷之五十

及古月

食忘味朱絃三歎有遺音

新晴賞牡丹

杜門睡榻長蒼苔滿眼新晴亦樂哉
小市忽逢蓴菜出曲欄初見牡丹開
不嫌雨後泥三尺且趁春殘醉幾回
自揣明年猶健在東箱更覓茜

金栽

茜金近出
牡丹名

對酒

神僊豈易學富貴不容求百歲儻未盡一樽差

可謀鐘鳴上方晚桂發小山秋處處多幽趣
橫眉勿浪愁

病起遇晴有作

十日春雨霑百疾投閒作呻吟雖甚苦飲啗尚
自若筋骸則已疲正氣亦消鑠行年垂八十所
恃豈在藥魔軍累百萬指顧可盡縛君看仁義
師何至用韜略川雲忽破散平地見日腳無人
畫此翁縹渺立孤鶴

定命

定命元知不可移，更兼狂疾固難治。履穿衣弊窮居日，齒豁頭童大耋時。耕釣詩多悲境熟，功名夢少感年衰。今朝雨歇春泥散，剡伴兒童鬪艸嬉。

假山小池

鑿池容斛水，壘石效遙岑。鳥喜如相命，魚驚忽自沉。風來生細籟，雲度作微陰。便恐桃源近，無

人與共尋

又

蓮嶽三峰峙，桃源一路分。池偷鏡湖月，石帶沃洲雲。魚隊淡猶見，禽聲靜更聞。巖幽林箐密，疑可下湘君。

春欲盡天氣始佳作詩自娛

浮雲飛盡見青天，拄杖閑拈瘦倚肩。漸喜綠秧分擺極，又看畫柱坼鞦韆。雞豚雜遝祈蠶社，鼓

笛喧譁競渡船惟有此翁無一事閉門贏得日
高眠

自詠

生艸覆蝸廬長鬚駕鹿車貧猶息施藥老不廢
觀書登覽攜童稚歌呼和里閭躬耕亦何得聊
以遂吾初

西村勞農

川雲散盡十分晴繚出溪頭信意行片片飛花
隨步遠離離芳艸上牆生村澗日暖單衣爽路
轉沙平雨屨輕膳肉芬香坊酒醞因來聊得餉
春耕

題廬陵蕭彥毓秀才詩卷後

詩句雄豪易取名爾來閑澹獨蕭卿蘇州死後
風流絕幾許工夫學得成

又

法不孤生自古同癡人乃欲鏤虛空君詩妙處

吾能識正在山程水驛中

舍北溪上垂釣

大耋還家萬事非垂竿好在綠苔磯
風和山雉挾雌過村晚吳牛將犢歸
春漲新添塘灩灩夕雲仍帶雨霏霏
此生自笑狂顛足依舊人間一布衣

三月二十二日作

雨過艸爭出溪湍魚逆行輕舟摘蓴菜
小市聽鶯聲萬事已無夢一樽猶有情
吾兒能講學不必說無生



劔南詩彙目錄

卷第五十一

書感 寒食 西村暮歸 舍外彌望皆

青秧白水喜而有賦 寄題太和陳誠之

秀才遠矚樓 蝸舍 東岡 首夏 贈

曾溫伯邢德允 自述 示客 對食

戲作 對酒戲作 夏初湖村雜題

溪上露坐 北齋書志示兒輩 作

盆池養科斗數十戲作 枕上 晨起

喜晴 讀夏書 幽栖 閒詠園中艸木

六首 夜雨 晨起 放翁 過隣家 東

園 曉出至湖桑埭 雨夜觀史 雨復

作 園中 湖上遇道翁乃峽中舊所識

也 老學菴北作假山既成即雨彌月不

止 苦雨首二 五月初作 遊西村贈隱

者 彷徨 碌碌 讀陳蕃傳 夏日晨

起 醉舞 北窗微陰 夏夜 村居

晚興 溪上 貧甚戲作長句示鄰曲

縱筆 入都 開局 感舊 贈陸伯政

雨夜 自局中歸馬上口占 秋雨

秋夜 求月桂 秋思首二 史院書懷

楚辭所謂桂數見於唐人詩句及圖畫間

今不復見矣作二絕句屬山僧野人試求

之 雨夜 九月初作首四 算秋 重九

不出遣懷 暇日 憶三山 示子聿

車中作 初寒偶出 史院晚出 贈洞

微山人 九月十四日夜雞初鳴夢一故

人相語曰我爲蓮華博士蓋鏡湖新置官

也我口去矣君能暫爲之乎月得酒千壺

亦不惡也既覺惘然作絕句記之 初寒

對酒 午晴試筆 夜吟二首

劍南詩彙目錄 卷五十一終

劍南詩彙卷第五十一

書感

頭顱已可知牙齒今復落十步或再休啜粥不
及勺身依一蒲團壁挂兩芒屨對客輒坐睡有
問莫能醉念昔少壯時心慕宦遊樂初登平津
館晚入征西幙雨暗駱谷烽霜清散關拆登高
望中原氣已吞雍雒寧知事大謬憔悴理征橐
單車去梁益健席下沔鄂還朝見故人大馬黃

金絡後來固多士，鵝鷺照臺閣。婆娑郎吏間，祗自取嘲噓。歷思從來事，無鐵可打鎔。幸得還故園，快若解束縛。閭里通有無，情厚不為薄。泥行事春耕，日曝畢秋穫。隔牆喚鄰翁，濁酒聊共酌。

寒食

小市禁煙餘東郊，展墓初桐陰。覆碧井泉脉，入清渠貧悴。停遊舫，龍鍾廢荷鋤。西窗斜日在，且復勘殘書。
鄉人貧甚者，每自謂不能下湖，則其貧可知。

西村暮歸

天氣清和修禊後，土風淳古結繩前。村村陂足分秧水，戶戶門通入郭船。亭障盜消常息鼓，坊場酒賤不論錢。行人爭看山翁醉，頭枕槐根臥道邊。

舍外彌望皆青秧，白水喜而有賦

此地天教著放翁，舍傍煙樹晚空濛。一無可恨得歸老，寸有所長能忍窮。東作已趨堯舊俗，南

薰方詠舜遺風謝安勲業能多少任是忽忽起
剡中

寄題太和陳誠之秀才遠明樓

宦遊再有江西役南望廬陵每慨然未見高樓
出雲雨但驚妙語雜風煙諸公何止元和盛獨
我初非正始賢筆力淡知太遠絕此詩它日勿
同編樓有榜廷秀大蓬所作記及周丞相以下諸公題詠

蝸舍

蝸舍茨生艸龜腸飽淖麩麥因多雨損蠶遇閏
年遲徙義憂無勇求仁戒自欺此生雖欲盡吾
志未應衰

東岡

東岡竹千竿大者圍過尺微風生其間蕭蕭憂
寒碧我閑適一到散髮坐磐石萬事不累心清
歎遂至夕此君本傲世獨我有夙管老慵恐作
疎時來寓琴奕

首夏

亂山深處著柴荆岸幘披衣露氣清
宴坐有書聊作伴出遊無客獨題名
陰陰密樹花初盡灑灑方池水已平
幾許人間堪笑事今朝百舌頓無聲

贈會溫伯邢德允

髮似秋蕪不受耘茶山曾許與斯文
回思歲月一甲子游獲從文清公時距今六十年
尚記門牆三沐熏卷裏

聖賢能覲面人間富貴實浮雲
二君才氣俱超絕豈待衰翁誦所聞

自述

古井無由浪浮雲一掃空詩書修孔業
場圃嗣豳風懼在飢寒外憂形寤寐中
吾年雖日逝猶冀有新功

又

舊業還耕釣殘年迫耄期筋骸衰後覺
力量夢

中知客約溪亭飲僧招竹院基未爲全省事終
勝宦遊時

又

屏迹歸休後願生寂寞中忍貧辭半俸學古得
全功西埭村醅釀東陂小約通經行有佳趣稚
子也能同

示客

一點昏燈兩部蛙客來相對半甌茶典衣未贖
身饒蟲治米無工飯有沙每爲采菱浮野艇時
因賣藥宿山家青鞋到處堪乘興不獨雲門與
若耶

對食戲作

香粳炊熟黍州紅苜甲尊絲放箸空不爲休官
須惜費從來簡儉作家風

又

米如玉粒喜新春菜出煙畦旋摘供但使胸中

無媿忤一餐美敵紫駝峯

對酒戲作

杖頭高挂百青銅小立旗亭滿袖風莫笑村膠
薄無力衰顏也得暫時紅

又

亂插除醪壓帽偏鵝黃酒色映鱸船醺然一枕
虛堂睡頓覺情懷似少年

夏初湖村雜題

市遠村深客到稀艸堂終日掩柴扉釀成新蜜
蜂兒靜分盡殘泥燕子歸

又

嫩日輕風夏未深曲廊倚杖得閑吟地偏艸茂
無人迹一對菱鷄下綠陰

又

寒泉自換菖蒲水活火閑煎橄欖茶自是閑人
足閑趣本無心學野僧家

又

日落溪南生暮煙幅巾蕭散立橋邊聽殘賽廟
鼙鼙鼓數盡歸村隻隻船

又

胎髮茸茸漆不如夏初安健勝春初雙瞳嬾看
公卿面却解燈前讀細書

又

從來抵死愛湖山敢料天教半世閑杜山桑麻

雖苦薄潮橋風雪如相關

又

幽禽兩兩已成巢新竹森森漸放梢稻壠作陂
先蓄水野堂防漏却添茅

又

門巷蕭條長綠苔經旬清坐罷傳杯麴生風味
那忘得少待吾家芍藥開

吾鄉有陸家芍藥其品甚高

溪上露坐

水際風生爽拂裾比鄰自集不勞呼昏鴉杳杳
飛初定遠樹離離望欲無新竹出林時解籜小
荷翻露已成珠橋東一徑蒼苔滑歸舍還須稚
子扶

北齋書志示兒輩

初夏佳風日頽然坐北齋百年從落魄萬事忘

安排徐仲車聞安定先生莫鄉俗能尊老君恩

許賜骸飢寒雖未免何足繫吾懷

作盆池養科斗數十戲作

小小盆池不畜魚題詩聊記破苔初未聽兩部
鼓吹樂且看一編科斗書

枕上

風竹無時靜月窗終夜明時時聽鶯鵲一一數
殘更吳楚民猶困燕齊虜未平功名天所命吾
志固難成

晨起

終夜厭姑惡經春無秭歸今歲不聞杜宇溪雲生慘慘
林日澹暉暉物外孤懷勝人間百慮非鄰翁刻
中去爲我買漁衣

喜晴

葛衣初著喜新晴寂寂虛堂一榻橫乍坼孤花
藏葉罅晚歸雙燕拂簾旌舞空不斷游絲直掠
地還飛落絮輕刺欲倚闌尋好句清笳已復動
高城

讀夏書

巨浸稽天日沸騰九州人死若丘陵一朝財得
居平土峻宇雕牆已遽興

幽栖

何處是幽栖城南路少西楊花穿戶入燕子避
簾低棊局聊相對茶爐亦自攜溪頭雲易合晚
雨又成泥

閑詠園中艸木

翦刀葉畔戲魚回
帔子花頭舞蝶來
領略年光屬閑客
一樽自勸不須推

又

麝香萱艸移東郭
錦子葵花買上原
兒喚乃翁閑一看
欣然曳杖出籬門

又

一樹山櫻鳥啄殘
懸鈎半舍亦甘酸
兒童采得爭來餉
應念衰翁舌本乾

又

綠侵小徑蔓衣艸
青絡疎籬鬼帶藤
未暇開編尋本艸
且將名品問山僧

又

日高未辦續晨炊
一椀村醅且療飢
槃箸索然君勿笑
桑間紫椹正纍纍

又

仲夏園中百艸靈
風吹露圻各青青
勸君辦取

金鷄背不問昌陽與豨苓

夜雨

初夏雨淋浪簷聲繞四廊感深頭易白睡少漏
偏長紅捲簾旌溼潤生衣焙香清吟欲排悶三
歎不成章

晨起

海燕翩將乳戎葵粲已繁魚船初入市蓴擔未
過門年耄停朝課家貧省小殮近以病後晨廢
讀書又以廩粟

不繼遂
罷食粥所欣行藥處秧稻遍村村

放翁

拜賜頭銜號放翁家傳不墜散人風問年已過
從心後遇境但行無事中馬老豈堪空冀北鶴
飛猶得返遼東道傍跌宕煩君看閱盡時人臉
尚紅

過隣家

老病在臂踝終日不喜動溪雲忽過前袖手以

目送今晨光景佳
霽色入鳥哢
駕言出柴荆
暫作湖山夢
東村望鶴巢
西阜過獾峒
父老意欣然
爲我撥春瓮
豈惟澆舌燥
亦用輒脚痛
形骸去繩檢
談笑得少縱
吳蠶初上簇
陂稻亦已種
端五數日間
更約同解纜

東園

晨起東園去
消磨夏日長
隨鋤泉眼出
上瓜藥苗香
琴挂山齋壁
龜措道室牀
始知彭澤令
眞

足傲羲皇

曉出至湖桑埭

殘年孤寂不堪言
時喚平頭駕短轆
老氣猶能作羆臥
壯懷誰復記鴻軒
擢歌縹渺城西路
煙樹參差埭北村
堪笑怪竒消未盡
夜來還夢屬縶鞵

雨夜觀史

讀書雨夜一燈昏
歎息何由起九原
邪正古來

觀大節是非死後有公言未能劇論希捫蝨且
復長歌學叩轅它曰安知無志士經過指點放
翁門

雨復作

今日雲歸恰喜晴小池忽見水紋生窗昏又輟
讎書課臥聽蕭蕭打葉聲

園中

稚竹侵簷綠新桐覆井涼閑身少羈束隨處得

徜徉山鵲惺惚語藤花掩冉香吾詩有餘思小
復立西廂

湖上遇道翁乃峽中舊所識也

大罵長歌儘放顛時時一語却超然掃空百局
無碁敵倒盡千鍾是酒仙巴硤相逢如昨日山
陰重見亦前緣細思合辱先生友五十年來不
負天

老學菴北作假山旣成卽雨彌月不止

古者封禪歲乾封輒枯旱不言絕民食徒欲曬
日觀我今作小山纔及仞有半下瀦數斗水艸
木稍葱蒨蕞爾何足言造物亦幽贊冥冥一月
雨陰翳迷昏旦芳艸爭抽萌珍木亦擢榦龜魚
出復沒鳥雀聚仍散彼天初何私遺我耳目玩
遂令閭巷間日厭鶉鴝喚淖淡樵蘇絕有米不
能爨爲小乃害大未可以理斷憂懼塞胸中當
食屢興歎培塿固易平荷鍤媿吾懦

苦雨

儘道迎梅雨能無一日晴窗昏愁細字簷滴亂
疎更未怪蛙爭席真憂水冒城何由收積潦簫
鼓賽西成

又

煙水茫無際空堦滴不休一窗閑隱几四月澹
如秋箔冷蠶遲績泥淡麥未收家貧村酒薄曷
解老農憂

五月初作

鄰舍春新麥家人拾晚蠶推移逢夏五賦與歎
朝三遣日須棋局忘憂賴酒甌幽居有高致多
取未爲貪

遊西村贈隱者

水清沙淨見遊魚槐柳陰陰五月初入似登仙
惟火食俗如太古久巢居孰聞高臥常扃戶剗
欲頻來共荷鋤從此夢遊端有地淵明不獨愛

吾廬

徜徉

家世由來出楚狂湖山垂老得徜徉讀書坐嬾
常中廢得句因衰已旋忘萬化隨緣寓蟲臂百
年何處異羊腸忍飢到死知無恨免使人嘲作
飯囊

碌碌

碌碌初何取悠悠信所之安貧無鬼笑守道有

天知暑服黃縑製晨飧赤米炊今朝潦水退村
路得遨嬉

讀陳蕃傳

莫笑書生一卷書唐虞事業正關渠漢廷若有
真王佐天下何須費掃除

夏日晨起

華胥歸路萬山青拈得烏藤繞舍行兩眄尚餘
殘睡美一襟初受曉涼生陰陰院落新桐影寂

寂房櫳乳燕聲已罷小飧停卯酒龜腸蟬腹不
勝清

醉舞

短帽蓂花舞道傍年垂八十尚清狂茸茸胎髮
朝盈櫛炯炯神光夕照梁令尹閱人三仕已太
山在我一豪芒藥苗麥飯初何欠全取愚儒百
鍊剛

北窗微陰

露滴林梢花送香風吹池面雨輸涼蠹書一卷
作老伴麥飯半盂支日長學道莫如心自肯杜
門真與世相忘君恩不報雖知媿穉米安能益
太倉

夏夜

乞骸安晚節養疾臥空村月暗梟鳴樹船歸犬
吠門藜羹加糝美黍酒帶醅渾稚子能勤學燈
前與細論

村居

鴨鵝穿林語鳴鵝竝水鳴餽漿憐道喝裹飯助
隣耕零落橋危斷欹斜屋半傾君毋笑儉惰猶
足盡吾生

晚興

羸病時時劇歡悰日日疎睡憑書紹介愁賴酒
驅除小蹇追涼處輕衫出浴初無人堪晤語且
復狎樵漁

溪上

散髮倚胡牀風生水面涼單衣縫白紵雙屨織

青芒

道家有青芒屨

荷葉猶微赤藤花已半黃歸來村

路晚漁火耿蒼茫

貧甚戲作長句示鄰曲

百屋堆錢四壁空人生志願孰能同蕭條齒髮
難藏老冷落杯盤可諱窮斲筍不思鄣夏日典
衣那計禦霜風知心幸有隣翁在一笑相從艸

莽中

縱筆

冉冉殘年迫耄期肱雖三折未成醫北山愚公
世方笑東郭順子吾所師萬里元非破賊手一
生無奈造物兒梅雨初晴湖水滿未妨把酒細
哦詩

入都

葵菟登盤酒可賒豈知扶病又離家朝行打岸

濤頭惡夜宿垂天斗柄斜不恨山林淹歲月但
悲道路困風沙隣翁好爲看耕隴行矣東歸一
笑譁

開局

八十年光敢自期鏡中久已髮成絲誰令歸蹋

京塵路又見新開史局時

予三作史官皆初開局

舊吏僅

存多不識殘編重對只成悲免朝愈覺君恩厚
閑看中庭木影移

感舊

四十三年夢今朝又喚回平橋穿小市細雨壓
輕埃老喜詩情在慵愁史課催時時還自笑白
首接鄒枚

贈陸伯政

夜窗燈火老徒勤自憫何時可策勲未喪斯文
天壽我豈無餘子我息君約通殘譜言猶在細
讀新詩筆欲焚早晚皇恩許歸去相呼同臥石

帆雲

雨夜

暮雨濯殘熱史官非坐曹忍慙靡粟帛偷暇近
詩騷屋老孤燈闇風顛萬木號明朝有奇事江
閣看秋濤

自局中歸馬上口占

幼輿只合著山巖誤被恩光不蓋慙人怪衰翁
傾尺一心知造物賦朝三飛騰豈少摩雲鵬感
縮方同作繭蠶安得公朝閤枯朽早教歸臥舊
茆菴

秋雨

久占煙波弄釣舟業風吹作鳳城遊不知苑外
芙蓉老但見牆陰苜蓿秋黃把裹書俄復至朱
顏辭鏡不容留晚窗又聽蕭蕭雨一點昏燈相
對愁

秋夜

庭院蕭條夜氣清臥聽宮漏下宮城旅懷生怕
還鄉夢留取殘燈伴雨聲

求月桂

重重汗簡擁衰翁百里家山夢不通病眼可令
常寂寞煩君爲致數枝紅

秋思

烏帽翩翩九陌塵杖藜誰記岸綸巾遺簪見取
終安用弊帚雖微亦自珍廊廟似聞憐老病雲

山漸欲屬閑身牆隅首宿秋風晚獨倚門扉感
概頻

又

霜露初侵季子裘山川空賦仲宣樓夢回最怯
聞衣杵病起常憂負酒籌日月往來雙轉轂乾
坤成壞一浮漚書生事業無多許二寸毛錐老
未休

史院書懷

後死與斯文猶能讀典墳雖慙千載事要是一
生勤石磴霏霏雪銅爐裊裊雲扶衰又秋晚何
以報吾君

楚辭所謂桂數見於唐人詩句及圖畫間
今不復見矣作二絕句屬山僧野人試求

之

小山桂枝今所無一生到處問樵夫細思不獨
人間少月裏何曾有兩株

又

丹葩綠葉鬱團團消得姮娥種廣寒行盡天涯
年八十至今未遇一枝看

雨夜

細雨催扃戶昏燈照擁衾倦知秋漏永瘦怯曉
寒溪林鵲依簷宿莎蟲入戶吟此時搔短髮誰
會欲歸心

九月初作

菊佩饒繁節物催老懷撫事一悠哉年光半付
殘編去詩句時從倦枕來零落朋儔今孰在寂
寥事業世方咍兩叢月桂門前買自下中庭破
綠苔

又

九月都門凜欲霜羸軀恩免立鵷行細書付吏
膽初橐和藥呼兒對古方陋巷閉門常謝客高
齋掃地獨焚香此生自計終何取似有山林一

日長

實錄有初
橐二橐

又

碧海仙蓬感舊遊算年心事轉悠悠登高此去
無多日扶病重來又過秋十里樓臺迷巷陌萬
家礎杵戒衣裘平生剩欠觀書債四庫留人未
許休

又

富貴功名未足云平生一飯不忘君哦詩高韻

淒金石把釣幽情渺水雲落葉打窗秋已暮歸
鴉泊樹日將曛欲知老病常多感革帶今年減
幾分

暮秋

十日都門雨風煙已暮秋甌香新菽粟篝煖故
衣裘意氣臨書健形骸顧影愁何時剡中路秣
蹇憇山郵

重九不出遣懷

人生各自適飛潛魚腹熊蹯豈得兼竝舍晚風
傳藥杵小窗殘日射書籤昏瞳但怪花爭墜衰
鬢應無白可添采菊泛觴終覺嬾不妨閑臥下
疎簾

暇日

身健官閑荷主恩蕭然不異在家園一池新墨
生吟息半篆殘香入夢魂舊友無書知獨冷小
兒有命會孤鶩藜羹麤足餘何事鍾動三茅又

歛昏

憶三山

柳橋南北弄煙霏門不常關客自稀道僕遠馱
黃檗出呼兒閑取白鷗歸片雲忽起迷丹竈涼
水初生沒釣磯一出可憐時屢變又看刀尺製
秋衣

示子聿

故山誰伴隱茅茨幸有吾家大耳兒雨暗小窗
分夜課雪迷長鏡芙蓉朝飢名場未捷寧妨學史
限雖嚴不廢詩我死汝應傳鉢袋勉持愚直報
明時

車中作

秋天近霜霰吳地少風塵時駕小車出始知閑
客真新交孰傾蓋往事漫霑巾處處皆堪隱桃
源莫問津

初寒偶出

霜氣凋關樹晴光入市樓
閑人無造請佳日亦
遨遊湖白方新出淮城亦易求
秋來幸無病作
意試新筍

史院晚出

已乞殘骸老故丘
誤恩重作道山遊
龍津雨過
橋如拭鳳闕煙消
瓦欲流直舍小眠鐘報午歸
途微冷葉飛秋
心知伏櫪無千里縱有王良也
合休

贈洞微山人

我年六十四獲譴輸鬼薪
束書出東門揮手謝
國人笑指身上衣不復染京塵
時有一老翁祝
我當自珍却後十五年迎君
浙江濱我笑語是
翁豈說他生身事果不可知
邂逅如隔辰鶴髮
無餘鬢鶉衣仍苦貧
秋風旱河頭握手一笑新
買酒烹雞豚往事得具陳
試數同朝舊零落增
悲辛與翁雖俱老肝膽猶輪囷
千里亦命駕何

況託近鄰秋高佳風月相過莫厭頻

九月十四日夜雞初鳴夢一故人相語曰
我爲蓮華博士蓋鏡湖新置官也我且去
矣君能暫爲之乎月得酒千壺亦不惡也
旣覺惘然作絕句記之

白首歸修汗簡書每因囊粟戲侏儒不知月給
千壺酒得似蓮華博士無

初寒對酒

晨起常教置一壺色如鵝毳滑如酥侍郎取榼
不須笑司業與錢還復酤霜路預愁騎款段雪
舟每憶釣菰蒲寒花滿帽君無笑醉倒偏宜稚
子扶

午晴試筆

葉脫園林夜夜霜風和巷陌日猶長軒車但怪
容孤鶴稊米安能益太倉此去得非窮李廣向
來元是老馮唐明窗攬筆聊揮灑颯颯驚蛇又

數行

夜吟

似睡不睡客欹枕欲落未落月挂檐詩到此時
當得句羈愁病思恰相兼

又

六十餘年妄學詩工夫深處獨心知夜來一笑
寒燈下始是金丹換骨時

劍南詩藁卷第五十一

劔南詩彙目錄

卷第五十二

閒詠首二 遊張園 客至 客去 無客

次韻黃宮教見贈 書直舍壁首二 韓

太傅生日 懷故山 西齋遣興 雨夜

作 掩戶 臥疾 晚歸 寂寂 獨坐

有懷杜伯高 李允蹈判院送酒四斗予

畚書乃誤以爲二斗作小詩識媿 感舊

贈超師 雜書首四 送子虞赴金壇丞

今日史課偶少暇戲作五字 入局 縱

筆首四 送襄陽鄭帥唐老 掩門首四 自

嘲 乍晴出遊 送客至湖州市 題史

院壁首四 寄二子 訪客至北門抵算乃

歸 恩除祕書監 寄題儒榮堂 夙興

館中書懷 雜興十首以貧堅志士節

病長高人情爲韻 送任夷仲大監 謝

韓寶之直閣送燈首二 道山直舍 館中

營繕方一新而右文殿生芝艸甚異 戲

述淵明鴻漸遺事 雪夜 直舍獨坐思

成都 歎老 冬曉 有懷梁益舊遊

孤坐無聊每思江湖之適 夢韓元咎如

在京口時旣覺枕上作短歌 出東城竝

江而歸 子聿欲暫歸山陰見乃翁作惡

遂不行贈以此詩 題趙生畫 題宣律

師畫像 暇日弄筆戲書首三 立春前後

連日風雨 武林 立春後十二日命駕

至郊外戲書觸目首三 春夜 訪客至近

郊 車中作 倦飛 遣興 癸亥正月

十日夜夢三山竹林中筍出甚盛欣然有

作

劍南詩彙目錄卷五十一終

劍南詩彙卷第五十二

閑詠

身似地行僊心非欲界天輿竿聲軋軋巾角影
翩翩買菊穿苔種懷茶就井煎歸來書遶坐隨
處一欣然

又

久入春農社新腰老衲包紙裁微放矮硯斲正
須頤髯簿能為崇方兄任絕交吾詩無傑句聊

復當談嘲

遊張園

冷局歸差早名園得緩行
穿林山驟出度硤路
微平霜近柳無色風生蒲有聲
出門還儻悅滿路夕陽明

客至

官閑身自得客至眼殊明
靜筭棋生死閑分酒濁清
悠然劇談罷偶爾小詩成
但恨桑麻事無

人與共評

客去

客來拈麈尾客去拂牀眠
孤夢歸湖上殘書墮枕邊
幽禽窺戶語落日傍窗妍
暫爾名朝士終然是地僊

無客

今日了無客翛然塵柄閑
硯涵鴈鵠眼香斲鷓鴣斑
木落風初勁雲低雨尚慳
西湖未暇到臥

看曲屏山

次韻黃宮教見贈

景說

士固未易料世乃有若人高標與曠懷豈復容
疎親邂逅京塵中握手一笑新我雖讀古書妙
處媿斲輪敢學狂接輿歌鳳笑泣麟空持鼻端
聖庶幾遇郢斤獨立臨洪流欲濟茫無津君其
幸教之勿棄老病身

書直舍壁

三黜媿公議再來仍冷官志無重奮發身有轉
衰殘加飯支餘息添衣禦早寒歸休應漸近不
是強心寬

又

道山西下路杳杳歷重廊地寂聞傳漏簾疎有
斷香渠清水馬健屋老瓦松長欲出重欹枕無
何見故鄉

韓太傅生日

珥貂中使傳天語一片驚塵飛輦路清霜粲瓦
初作寒天爲明時生帝傳黃金飾奩雕玉觴上
尊卻食傳恩光紫駝之峯玄熊堂不數沙苑千
群羊通天寶帶連城價受賜雍容看拜下神皇
外孫風骨殊凜凜英姿不容畫問今何人致太
平絲地萬里皆春耕身際風雲手扶日異姓真
王功第一

懷故山

老怯京塵化素衣無端拋擲釣魚磯碧雲又見
日將暮芳艸不知人念歸萬事莫論羈枕夢一
身方墮亂書圍岷山學士無消息空想燈前語
入微

張季長秘閣
久不得書

西齋遣興

桐葉秋先賈菊花寒更香酒邊聊兀兀身外本
茫茫小憩元非睡長吟偶似狂忽然思把卷一
笑就窗光

雨夜作

十月多蚊蚋昏昏氣未平
正須三日雨却用一
霜晴閉館蕭條意空堦
點滴聲鐘殘撫枕歎歸
夢幾時成

掩戶

蔗漿那解破餘醒
一讀南華眼自明
香縷映窗凝不散
墨丸入硯細無聲
太山蟻垤初何有
佛國魔宮本亦平
此段光明誰障得
曠懷遠與老

書生

臥疾

舊疾瘵衰作長貧
與嬾宜羈愁惟付酒
史課未妨詩雨入殘
更滴霜逢閏歲遲
新春真老及不用
卜歸期

晚歸

無事經秋別鏡湖
詩囊隨處累奚奴
樓頭寒日低將盡
陌上殘泥踏欲無
軒冕豈容關喜慍
簞

瓢亦未費枝梧畫橋綠浦歸來晚一醜昏燈得
自娛

寂寂

接客厭紛紛客去喜寂寂今朝下簾坐疎雨時
一滴地爐擁破褐自笑嬾無敵新春儻得歸更
面九年壁

獨坐有懷杜伯高

畫橋通小市歲院欲黃昏愛月先移燭留香每
閉門李侯有佳句樂令善清言老病插枕何
由笑一樽

李允蹈判院送酒四斗予畚書乃誤以爲
二斗作小詩識媿

冷官誰顧雀羅門一紙惟君肯見存堪笑放翁
昏至此棄壺誤寫作朋樽

感舊贈超師

一聲清蹕出行宮百尺黃旗繡戲龍我赴文場

君受戒道邊曾共望高宗

雜書

世味漸闌如嚼蠟惟詩直恐死方休四時風月
元無盡萬里江山更擬遊

又

一身頂踵無非病兩飯糞鹽亦闕僕正可清言
學夷甫不須豪氣似元龍

又

枳籬莎徑入荆扉中有村翁百結衣誰識新年
歡喜事一雞一犬伴東歸

雞犬皆實事

又

身似匡廬老病僧閉門一衲坐騰騰雨聲驚斷
長安夢惆悵西窗夜半燈

送子虞赴金壇丞

與汝爲父子忽逾五十年平生知幾別此別益
酸然念汝髮亦白執手河橋邊西行過臨平想

汝小繫船悠悠陽羨路渺渺雲陽川京江管所
遊想像在目前今茲兩使君幸有宿管緣汝雖
登門晚世好亦牽聯顧於賞罰間其肯爲汝偏
夙夜佐而長努力忘食眠醉如新豐酒清若鶴
林泉棠宜使可愛蒲正不須鞭

今日史課偶少暇戲作五字

仲夏入都門堂瓦忽已霜史館方掄才我亦廁
其傍三日敗一筆手胝視芒芒吏來督日程灸
冷不及嘗今辰偶少靜掃地欲焚香市聲塞我
門騶呼過我牆鄙性不耐喧懍况意欲狂天生
兩窮耳只堪聽啼螿

入局

殘年困簡牘靜坐憶漁樵鄙意慙輕出殊恩免
早朝微霜凋綠樹寒口滿朱橋悵望滄波友弓
旌豈易招

鏡湖西南有隱士
人不可得而見

縱筆

胸中略無一點事眼底常展數行書半飢半飽
便可爾衣食何須求有餘

又

小兒讀書耕且養老夫入朝仕易農明春史成
許歸去父子相逐歌年豐

又

晝倦夜常成美睡病多老却未全衰歸從冊府
猶披卷了却官書更賦詩

又

坊遠不聞宮漏聲三茅鐘殘窗欲明山童睡熟
呼不應添水拂書翁自行

送襄陽鄭帥唐老

鄭侯骨相非復常伏犀貫額面正方聲名赫奕
動天子家世富貴連椒房武能防秋北平道文
合落筆中書堂畿西謀帥國大事當宁久弄黃
金章一朝丹詔白天下兩班仰首看騰驤鄭侯

此行端可羨繡旗皂纛戈如霜三更傳令出玉
帳平旦按陣來毬場宿兵萬竈盡貔虎牧馬千
群皆驕驍酒酣賦詩幙府和縱橫健筆誰能當
雖然鄭侯志意遠虎視直欲吞北荒榆林雁門
塞垣紫孟津砥柱河流黃出師有路吾能說直
自襄陽向洛陽

掩門

身瘦不勝笏官閒常掩門漢廷雖好老楚澤未

招魂硯潤蟾疎滴香殘鴨尚溫箇中殊會意恨
欠阿戎言

又

簌簌落高槐陰陰長綠苔只言門晝掩不道客
誰來足痺息尋壑愁生欠撥醅吾兒能問事黎
粟且炮煨

又

舉手可及屋積書高柱願忽聞疎雨滴悅記故

山時點染聊成字呻吟僅似詩不關才思盡碌碌本七奇

又

寡求忘市遠易足任囊空院吏催呈史家僮笑
忽窮鬢毛驚盡白倉粟飫陳紅賴有三峩夢時
時到枕中

自嘲

野老家風子未知天教甫里出孫枝遍遊竹院

尋僧語時拂楸枰約客棋是處登臨有風月平

生馭歷半宮祠卽今箇事渾如昨喚作朝官却

自疑

予仕宦幾五十年矣歷崇道玉局武夷今又忝佑神之命

乍晴出遊

八十山翁病不支出門也賦喜晴詩小樓酒旆
闌街處深巷人家曬練時本俗微風欹帽影却
藥新暖弄鞭絲歸來幸有流香在剡伴兒童一

笑嬉

流香蓋賜酒名

初月詩

卷之五二

七

送客至湖州市

偶駕雞栖送客行迢迢十里出關城誰知小市
蕭條處剩有豐年笑語聲聊借野風吹醉頰更
憑陂水濯塵纓故廬想見春回近鄰曲家家已
遍耕

題史院壁

命薄謀常拙年衰力轉微鷓飛元合退羝乳偶
成歸汗簡慙靡日流塵怯染衣無端霜夜月應

照舊苔磯

又

槁木忘榮謝閑雲任卷舒慵爲繞枝鵲寧作蠹
書魚羈旅心常折親朋夢亦疎溪頭釣船在恐
負此心初

又

白髮無餘鬢蒼顏失故丹旅遊多敗意大屋每
饒寒出畏霜侵褐歸藥日暖鞍若非時得句何

以慰衰殘

又

苔甃平分路銅環半掩扉殘蕪寒不死敗葉落
還飛責重何由塞愁生但念歸非無茅一把世
事苦相違

寄二子

大兒新作鶴林遊仲子經年戍吉州日日望書
常至算時時入夢却添愁得官本自輕齊虜對

景寧當似楚囚識取乃翁行履處一生任運笑
人謀

訪客至北門抵暮乃歸

北郭那辭十里遙上車且用慰無聊九衢浩浩
市聲合四野酣酣雪意驕清鏡新磨臨綠浦長
虹橫絕度朱橋歸來熟睡明方起臥聽鄰牆起
早朝

恩除祕書監

群僊鶴駕去難追白首重來不自知才藝荒唐
 癡獨絕功名蹭蹬老如期海邊鄭叟窮耽酒吳
 下韋郎晚學詩扶上木天君莫笑衰殘不似壯
 遊時

寄題儒榮堂

朝散大夫徐夢莘著北盟錄
 上之除直秘閣訓辭有儒榮

之語因以名
 堂來求賦詩

軍容基旤廟謀疎尙記文登遣使初只道大功
 隨指顧至今遺種費誅鋤還朝不遣參麟筆寓

直空聞上石渠剗辦殺青君記取龍庭焚盡始
 成書

夙興

鐘已樓頭動燈猶帳外殘霜濃愁枕冷病起覺
 衣寬鶴怨憑誰解鷗盟恐已寒君恩等天地應
 許納微官

館中書懷

流落逢明主恩光集晚途題名驚手戰拜閣藉

人扶枉辱三華組

國史實錄及策府凡忝三職

終歸一腐儒

庫書時取讀猶足補東隅

雜興十首以貧堅志士節病長高人情為

韻

仕宦徧四方每出歸愈貧寒暑更質衣笑倒隣
里人今年作史官坐糜太倉陳無如思歸何日
夜望絕麟區區牛馬走齷齪蟣蝨臣恩深老不
報肝膽空輪囷

又

孟子闢楊墨吾道方粲然韓愈排佛老不失聖
所傳伐木當伐根攻敵當攻堅坐視日月食孰
探天地全一木信難恃憂憂大厦顛安得孟韓
輩出為吾黨先

又

聖人固多能藝乃以不試嗟予少貧賤日月成
坐棄矧今耄已及甘食而美睡道衰朋友散斯

文凜將墜閉戶輒竟日孰與講仁智厭厭生意
盡何暇議李志

又

少年喜結交患難謂可倚寧知事大謬親友化
虎兕出仕五十年危不以讒死始畏囊中錐寧
取道徬李老來多新知英彥終可喜豈以二三
君遂疑天下士

又

昔我遊廬山夜遇東林雪灰淡火正熟膏滅燈
半滅童驚林虎過僧憺澗松折至今每追想可
解肺肝熱那知蓬山夢忽繼此清絕殊勝蘇子
卿餐羶持漢節

又

觀人如觀玉拙眼喜譏評得失顧在人玉固非
所病慶曆嘉祐間人才於斯盛王回僅一招石
介棄不聘乃知天下士成敗各有命願君姑安

之天定豈不勝

又

兩山如峨眉一水若車輞吾嘗廬其間百里臨
莽蒼少年手藝木條榦日夜長咿啞駕獨轆迢
遞搖兩槳平生會心地今乃寄夢想何時喚鄰
翁煙水行布網

又

貨財不可居祿位不可饗我爾本一家何至臯

蘭麝小夫謀人國紛紛日煎熬或謂性本惡或
謂經無褒誤人方自此孰如飲醇醪清言亦自
佳遺事非徒高

又

魯山粹而博韶美曠且真石渠東觀中久矣無
若人飛僊驂鳳鸞豈久混世塵空餘文章在常
與日月新我雖不足數疇谷忝交親尙想秋燈

下對影欹幅巾

陳山魯山劉儀鳳韶美

又

君子尚大節又甚惡不情魯連故可人用意終
近名千載高夷齊采薇忘其生周公述易象所
以貴幽貞去聖雖已遠江左見淵明我讀飲酒
詩朱弦有遺聲

送任夷仲大監

元受之子

往者江淮未徹兵丹陽邂逅識耆英叩門偶綴
諸公後倒屣會蒙一笑迎敢忘癡頑成後死相

從髣髴若平生小詩話別初何有一段清愁伴

觴聲

游管在京口與陳應求馮園仲查元章張欽夫諸人從先提刑遊今三十九年矣

謝韓實之直閣送燈

玉作華星綴絳繩樓臺交映莫天澄東都父老
今誰在腸斷當時諫浙燈

又

舊友年來不作疎華燈乃肯寄蝸廬寧知此老
蕭條甚二尺檠前正讀書

道山直舍

身世從來一蠹魚
討論猶記入朝初
自憐報國無他技
又領蘭臺四庫書

館中營繕方一新
而右文殿生芝艸甚異
丹碧參差盛一時
殿楹三秀見金芝
漢庭漫道多才傑
天馬何勞作頌詩

戲述淵明鴻漸遺事

桑苧柴桑一世豪
區區玩物亦徒勞
品茶未及

毀茶妙飲酒何如
止酒高

雪夜

雪屋透窗明
風簾撮夜聲
披衣擁爐坐
忘却狂都城

直舍獨坐思成都

錦城花絮送吳船
屈指東歸又幾年
群玉峰頭身老矣
百花潭上夢依然
青衫尚記稱狂客
白髮寧知作老僊
所恨酒腸非復昔
閑遊空負杖

頭錢

歎老

鏡裏蕭蕭白髮新
默息舊事似前身
齒殘對客豁可恥
臂弱學書肥失真
漸覺文辭乖律呂
豈惟議論少精神
平生師友凋零盡
鼻堊揮斤未有人

冬曉

恩免宵興趁曉班
養慵終覺媿吾顏
浮名半世虛催老
高臥何時復得閑
兩岸夕陽漁浦市
數峰寒靄沃洲山
扁舟來往無窮樂
此事天公豈所慳

有懷梁益舊遊

土堠纍纍隻復雙
悠然殘夢對寒缸
亂山落日葭萌驛
古渡悲風桔柏江
虎印雪泥餘過跡
樹經野火有空腔
四方行役男兒事
常笑韓公賦下隴

孤坐無聊每思江湖之適

世上元無第一籌此身只合臥滄洲
艣搖漁浦蒼茫月帆帶松江浩蕩秋
有酒人家皆可醉無僧山寺亦閑遊
老來閱盡榮枯事萬變惟應一笑訕

夢韓无咎如狂京口時旣覺枕上作短歌
隆興之初客江臯連棹結駟皆賢豪
坐中无咎我所畏日夜訕倡兼詩騷
有時贈我玉具劔間

亦報之金鎔刀舊遊忽墮五更夢
舉首但覺鐵瓮高樽前美人亦黃土
吾輩鬼錄將安逃死生一訣信已矣
所恨膏火常煎熬平生不愛葱嶺話
方術亦陋葛與陶但當東歸棄百事
爛醉海上觀雲濤

出東城竝江而歸

上車容假寐出郭當閑遊
遠笛臨風起高帆到岸收
人歸花市路客醉酒家樓
徑就東窗臥孤

秀目大頭顱英姿舉世無平生一瓦鉢何處有
天厨

暇日弄筆戲書

天地爲我廬江山爲我客北斗以酌酒恨我飲
量窄人生但閉戶烏用分菽麥贈君玉函方憤
憤無皂白

又

艸書學張顛行書學楊風平生江湖心聊寄筆

硯中龍蛇入我腕疋素忽已窮餘勢尙隱鱗此
興嗟誰同

又

胷懷幾雲夢形骸一槁木雖客長安城未始忘
退縮古來豪傑士強半死空谷耐事勿動心貧
賤豈汝獨

立春前後連日風雨

河岸春生綠齋扉雨送昏手鈔書半淡巾漉酒

微渾餅餌連春日歌呼近上元所嗟今夕夢不
在石帆村

武林

皇輿久駐武林宮汴雜當時未易同廣陌有風
塵不起長河無凍水常通樓臺飛舞祥煙外鼓
笛喧呼明月中六十年間幾來往都人誰解記

衰翁

紹興癸亥予年十九以試
南省來臨安今六十年矣

立春後十二日命駕至郊外戲書觸目

身兼老病常歸臥天半陰晴偶出遊鸚鵡碧籠
當戶外鞦韆畫柱出牆頭年華冉冉飛雙翼夢
境悠悠寄一漚旅食都門那可久少留應爲賦
春愁

又

宮雲縹渺漏聲遲夢裏華胥却自疑春淺風光
先益益時平節物共熙熙畫簾不捲聞人語玉
勒徐行避酒旗閱盡輩流身獨健恍如隨計入

都時

又

丹成不服怕升天豈料瘴風到日邊
九陌樓臺生細靄萬家弦管送流年
香車寶馬沿湖路繡幙金罍出郭船
折簡亦思招客醉不堪春困又成眠

春夜

客向燈前老愁從枕上生
雨聲添好睡花氣散餘醒
舊事談誰聽新詩鍊不成
惟當速歸老鄰父待同耕

訪客至近郊

訪客西郊路停車小苑門閑雲寧有雨
淡日不成暄鷺下青蘋浦鴉啼綠樹村
還家未索莫隨分具魚殮

車中作

雨過未生塵寒輕不著人
斷雲飛苑路高柳暗

天津憔悴非平日呻吟又一春
絲毫寧有補空負耦耕身

倦飛

倦飛何意閉樊籠冉冉年光過
眼空酒盡不妨沽巷口詩成多
是在車中曾腰白羽心猶壯不
養丹砂頰自紅所歎算年交舊
盡燈前情話與誰同

遣興

馬跡車塵不到門
算年萬事付乾坤
讀書浪苦只取笑
識字雖多誰與論
骨相元非金馬客
夢魂空繞石帆村
濁醪幸有鄰翁共
莫厭從來老瓦盆

癸亥正月十日夜夢三山竹林中
筍出甚盛欣然有作

新春身不到家園
東崦西村役夢魂
一夜四山雷雨起
滿林無數長龍孫

劍南詩彙目錄

卷第五十三

謝徐志父帳幹惠詩編 河橋晚歸 謝
王子林判院惠詩編 紹興癸亥余以進
士來臨安年十九明年上元從舅光州通
守唐公仲俊招觀燈後六十年嘉泰壬戌
被命起造朝明年癸亥復見燈夕遊人之
盛感歎有作 出謁晚歸 息歸示子聿



上元後連數日小雨作寒戲作首四出

湧金門 書志示子聿 入春念歸尤切

有作 書房雜詠首二 獨立思故山 寓

歎 後寓歎 新歲頗健寄青城故人

新年七十有九 春日訪客于逆旅及郊

寺感而有賦 二月二日夢中作 對酒

作 西湖春遊 春晚用對酒韻 題館

中直舍壁 春晚懷故山 春社日効宛

陵先生體首四 局中春興 久客 幽居

春日絕句首八 歎老 春雨中偶賦

戲詠落花 思歸示兒輩 東軒花時將

過感懷首二 江亭 對食 飽食 記夢

初夜暫就枕 次林伯玉侍郎韻賦西

湖春遊 湖中微雨戲作 與兒輩泛舟

遊西湖一日間晴陰屢易 贈呂次翁

得子聿到家山後書 題壘壁首三 小飲

贈傅神水鑑 春晚 天竺曉行首二

初見石榴花 夢遊首三 江亭晚息 上

章納祿恩畀外祠遂以五月初東歸首五

江亭 題三茆邵道士雲隱首二 受外祠

敕 感寓首二 肉食 贈成封州 予以

壬戌六月十四日入都門癸亥五月十四

日去國而中有閏月蓋相距正一年矣慨

然有賦首二 雨中別同朝諸公首二 出城

宿井錢清 老伶 舟行錢清柯橋之

間 寓蓬萊館 乍自京塵中得歸故山

作五字識喜 初歸雜詠首七

劔南詩彙卷第五十三

謝徐志父帳幹惠詩編

平生聞若人筆墨極奇峭相望二千里安得接
談笑一朝獲其詩驚喜踰素料夜窗取吟諷寒
燈耿相照春容清廟歌縹緲蘇門嘯蹴天浙江
濤照野楚山燒每篇十過讀玩味頭屢掉正如
啜名酒雖愛不忍齟看君亦華髮氣壓萬年少
予筓從茶山辱賞三語妙文章老不進顛顛今

可吊誰知牛車鐸黃鐘乃同調願君時來過勿
愜俗子誚

河橋晚歸

曲巷連新市層樓近小橋青帘猶滴雨綠浦恰
通潮簾影晴方見笙聲冷未調斜陽覓歸路偏
愛玉驄驕

謝王子林判院惠詩編

王從楊廷
秀其久

文章有定價議論有至公我不如誠齋此評天

下同王子江西秀詩有誠齋風今年入修門軒
軒若飛鴻人言誠齋詩浩然與俱東字字若長
城梯衝何由攻我望已畏之謹避不欲逢一日
來叩門錦囊出幾空我欲與馳逐未交力已窮
太息謂王子諸人無此功騎驢上灞橋買酒醉
新豐知子定有人詎必老鈍翁

紹興癸亥余以進士來臨安年十九明年
上元從舅光州通守唐公仲俊招觀燈後

六十年嘉泰壬戌被命起造朝明年癸亥
復見燈夕遊人之盛感歎有作

隨計當時入帝城笙歌燈火夜連明寧知六十
餘年後老眼重來看太平

出謁晚歸

萬卷縱橫眼欲盲偶隨尺一起柴荆淵魚脫水
知難悔野鶴棄車只自驚苑路落梅輕有態御
溝流水細無聲紅塵朝暮何時了促駕歸來洗

破觥

息歸示子聿

平生愛山水遊陟老不厭此外惟讀書垂死尙
關念方笈少壯時萬里攜一劔自從還故山日
夜就收歛蒙恩置三館寒灰忽光焰龍鍾氣纔
屬筆力安得贍同舍多賢豪揣分無乃玷春來
百疾作沉痾困鍼砭息歸入夢寐歷歷數過店
問津始胥濤繫纜望禹窳小江齋餅美梅市將

餽南言
酒醞雲破山嶙峋雨足湖瀲灩二月柳勝槎三月花如染拄杖幸可扶吾生尙何欠更當與稚子晨莫事鈇槩天爵古所尊榮名勿多占

上元後連數日小雨作寒戲作

呼兒取酒敵春寒病起馳裘刺覺寬萬事不妨高枕臥始知老子耐悲歡

又

春風催暖入園林一片雲生又作陰畱得梅花

三日佳誰云造物本無心

又

煙籠天闕青鴛溼水漲官河畫鷁浮解賦春陰三十首不應惟有宋鄜州

又

擬撥殘書出郭行浮雲忽已敗春晴窮閭今雨無車馬臥聽深泥濺屐聲

出湧金門

出湧金門一黯然初來猶是紹興前都人百萬
今誰在惟有西湖似管年

書志示子聿

誤上蓬山亦已叻所悲故里隔胥濤還家未失
屠羊業報國元無汗馬勞載筆敢言宗史漢閉
門猶得讀莊騷小兒願與翁偕隱正恐聲名未
易逃

八春念歸尤切有作

六朝覆育忝遺民扶憊歸來雪鬢新對酒無歡
翻作病愛詩何得但窮人腰錢自管妨騎鶴絕
筆何時到獲麟鄉俗嬉遊重端五剡烹糲糴喚
比鄰

筮者言予五

月可還故山

書房雜詠

賦性無他嗜傳家但古書充咨洪水際義畫結
繩餘異學方攘斥浮文亦埽除挑燈北窗下聊
得遂吾初

又

久客思鄉井殘軀怯歲年家能常食粥口固不言錢鐵補曾穿硯韋聯屢絕編臥聞兒講學起坐失沉縣

獨立息故山

谿水初生與岸平橋頭新柳已藏鶯詩緣遇興玲瓏和酒爲逢知爛熳傾青箬買來衝雨釣烏捷租得及時畊今朝獨立東風裏歎息無人會

此情

寓歎

俗心浪自作琴絲世事元知似奕棋舊業蕭然歸亦樂餘年至此死何悲古人可作將誰慕造物無心豈汝私已決殘春故溪去短蓑垂釣月明時

後寓歎

貂蟬未必出兜鍪要是蒼鷹憶下鞦彭澤往歸

金日言 六
端爲酒輕車已老豈須侯千年精衛心平海三日於菟氣食牛會與高人期物外摩挲銅狄灞城秋

新歲頗健寄青城故人

驕氣年來痛自鋤似能略契度關書神光出背夜穿帳胎髮滿頭晨映梳吾道元知非土苴此身那可付丘墟岷山幸有丹爐在青壁何時共結廬

新年七十有九

中歲抱沉緜詎敢望七十造物偶脫遺俯仰老已及寧知辱弓旌扶僊去鄉邑受恩不知報懷抱空快悒天門邈難窺地芥亦嬾拾隨身一詩囊副以兩藥笈何當復得謝浩蕩脫維繫擘浪畫楫飛穿雲青鞵溼餘年尙有幾登覽當汲汲狂吟題寺廊大筆蘸墨汁

春日訪客于逆旅及郊寺感而有賦

底事經年客帝鄉
風光淡沲日初長
野歌作氣老猶壯
花氣撩人醒亦狂
店壁拂塵尋舊字
寺樓極目送斜陽
告歸不過殘春事
杜曲桑麻亦未荒

二月二日夢中作

零落薔薇委道傍
更堪微雨漬殘香
象牀玉尺人何在
腸斷新裁錦一方

對酒作

羨門安期何在哉
河流上泝崑崙開
白雲不與隱居老
孤鶴自下遼天來
春江風物正閑美
綠浦潮平拖初起
暮吹長笛發巴陵
曉挂高帆渡湘水
世間萬變更故新
會當太息摩銅人
脫裘取酒簪芳草
與子共醉壺中春

西湖春遊

靈隱前天竺後鬼削
神剎作巖岫
冷泉亭中一尊酒
一日可敵千年壽
清明後上巳前
千紅百

金匱詩集 卷之五十三 八
紫爭妖妍蓼蓼鼓聲鞠場邊鞦韆一蹴如登仙
人生得意須年少白髮龍鐘空自笑君不見灞
亭耐事故將軍醉尉怒訶如不聞

春晚用對酒韻

吾今歸哉復歸哉草堂正對湖山開座銘漆園
養生主屏列柴桑歸去來一閑可敵八珍美驪
駒在門端可起不緣老病日日增世味從來淡
如水故人誰非白頭新况復眼中無故人但餘
一恨未免歎掩關睡過今年春

題館中直舍壁

幾年顛顛去清班敢辱君恩誤賜環但歛軟塵
隨倦馬不愁弱水隔神山下帷寢飯羣書裏退
食雍容衆雋間行矣東歸竟何補低回未免媿
吾顏

春晚懷故山

吾廬煙樹間正占湖一曲遠山何所似髮鬢千

髻綠近山更可人連娟兩眉感澗蟠偃蓋松路
暗圍尺竹海棠雖妍華態度終不俗最奇女郎
花宛有世外躅雖云嬾出遊閉戶樂事足年來
殊失計久耗太倉粟淖糜不救口斷簡欲滿屋
兀兀不知春青燈伴幽獨

春社日效宛陵先生體

社雨

開歲纔幾時春社忽已及茫茫草色深蕭蕭雨
聲急扶犁行白水不惰芒屨溼村童更可憐赤
脚牛背立

社鼓

酒旗三家市煙草十里陂林間鼓鼙鼙迨此春
社時飲福父老醉嵬峩相扶持君勿輕此聲可
配豐年詩

社酒

農家畊作苦雨暘每關念種黍蹋麴蘖終歲勤

收歛社瓮雖草草酒味亦醇醲長歌南陌頭百
年應不歇

社肉

社日取社豬燔炙香滿村飢鴉集街樹老巫立
廟門雖無牲牢盛古禮亦略存醉歸懷餘肉霑
遺徧諸孫

局中春興

天知病眼困風沙偕與蓬山閱物華微暝已迎

新到燕輕陰猶護欲殘花幽窗寂寂書圍座倦
枕時時夢過家立馬庭前還小駐不妨閑試半
甌茶

久客

顛顛開坊底蕭條久客心燕歸知社過葉密覺
春深燈火愁殘史塵埃歎素琴餘生猶有幾去
日苦駸駸

幽居

金剛詩集 十一 法古閣
花過鶯初嬾泥新燕正忙病餘猶止酒睡起獨
焚香拄杖嫌園窄棋枰喜日長北窗元可樂不
是傲羲皇

春日絕句

吏來屢敗哦詩興雨作常妨載酒行忽見家家
插楊柳始知今日是清明

又

二十四番花有信一百七日食猶寒眼中不是
無春色歎息衰翁自鮮歡

又

門前喚擔買芳菲白髮猶堪插一枝舊厭蛙聲
今喜聽牆陰特地作盆池

又

故園蛺蝶最多種百草長時花亂開窮巷春風
元不到一雙誰遣過牆來

又

桃李吹成九陌塵
客中又過一年春
餘寒漠漠城南路
只見鞦韆不見人

又

便恐東皇促駕回
小軒無事且啣盃
不知何處桃花落
一片飛從屋角來

又

介亭南畔排衙石
剝蘚剜苔覓舊題
讀罷南豐數行字
滿山煙雨共淒迷

又

楊家園裏醉殘春
醉倩傷人拾墮巾
紅紫飄零不須歎
東君渠自是行人

歎老

晨起梳頭滿鏡霜
豈堪著脚少年場
酒徒分散情疎索
碁敵憑陵意頡頏
寓世極知均醉夢
餘生只合老畊桑
石帆山下蓴絲長
待我還東泊

野航

初南寺

卷之五十三

之二十一

春雨中偶賦

老子年來百事慵不妨詩課尚能供殘花已覺
胭脂淡煮酒初嘗琥珀濃羸病不堪連日雨孤
愁偏怯五更鐘舊交只有烏藤在且伴禪床莫
化龍

戲詠落花

終年栽接待新春一日隨風委路塵愁殺主人翁
渠不管爭如只作看花人

息婦示兒輩

睡味甜如蜜人情冷似漿流年垂及耄客子固
多傷興發雞豚社心闌翰墨場吾兒姑力穡莫
羨笏堆床

東軒花時將過感懷

小軒風月得婆娑盡付流年與嘯歌細數一春
今過半正令百歲亦無多還家常恐難全壁閱
世深疑已爛柯只欲閉門搯倦枕晚風無奈落